

Kalderkinnung

Lunde in 1855. v. 1816

1816 v. 1816

Lund 1839 annuumerat

1816 v. 1816

1816 v. 1816
1816 v. 1816

245

Hal

QVINQVAGINTA
P S A L M I
PASSIONALES

A VIRO PIO ET POETA CELEBERRIMO
DNO *HALLGRIMO PETRÆO*
LINGVA ISLANDICA OLIM COMPOSITI
NUNC VERO TOTIDEM ELEGIIS

QVAM PROXIME FIERI POTUIT
AD VERBA AUCTORIS ACCOMMODATIS
LATINITATE DONATI
Landsbokhafni
PER
H. THEODORÆUM.



HAFNIE MDCCLXXXV.
TYPIS AVGVSTI FRIDERICI STEINII.

CHURCH

1851

PASSIONATES

AND THE

THE

THE

THE

THE

THE

THE

THE

THE

THE

THE

THE



AD LECTORES.

Vos o! Castalidum decus immortale Poëte!

Qvos ornant superum munera svada lepor;
Perlegite hæc animo mea paucula disticha amico,
Qvamvis exiguo tincta lepore suo.


Vilia sæpe solent et inaffectata placere
Ingeniis claris, ingenuisque viris.
Diction qvos perplexa movet sublime volantum
Offendi nolint simplicitate mea.

Alteriusque putent, quanti velit esse laboris,
Et presse et scite plurima verba sequi.

WALTHÖFSTADIS
in Toparchia Mülensî

1784.

H. Th.



ERUDITORUM IN PATRIA VIRORUM

DE HÆ

PSALMORUM VERSIONE JUDICIA,

Hos elegos vidi devotæ cantica mentis,
Qvi se commendant dexteritate sua.
Fac non exæquent Petrææ oracula venæ,
Semper at egregium sunt pietatis opus.
Fac hi nec tumeant verborum firmate inani,
His tamen invenies numen inesse strophis.
Delectent alios thyrsi veneresqve profanæ,
Sed me delectant aurea verba crucis.
Nam me salvabunt aurea verba crucis.

HOLIS

1778.

HALFDANUS ENARI,

SCHOLÆ HOLANÆ RECTOR.



ALIUD.

ALIUD.

Eximios boreæ dedit hæc Islandia vates,
Qveis patet HALLGRIMUM præripuisse decus:
Multa quidem scripsit, nulla quæ laude care-
bunt,
Hoc opus at reliquis præstat, et arte cluet.
Hocce senes juvenesque terunt, poscuntque
legendum;
Hocce domus quævis flagitat, ardet, amat.
Hoc clari pietate viri, dotesque secundæ
Vertere contendunt; ars sua quemque juvat.
Exsolvunt illi numeros profamque retentant,
Hi latio donant ausoniaque lyra,
Hos inter nobis latiali tincta lepore
Hiorlevi confert versio dulce melos.
Exprimit hæc sensum lepide justoque nitore,
Materia verbis conveniente suis.

Huncce tibi venerande senex de corde labo-
rem

Gratulor, in tarda qui gravitate levat.
Christicolas hæc sancta decet meditatio, plus-
quam

Omnia quæ mundi fluxa theatra vide tu
Ergo opere hocce tuo multum delector, amice!
Unde decus patriæ lausque petenda Dei.

MIDFELLI
pridie Cal Augusti,
1779.

PAULUS JACOBÆUS,
SCOLÆ SKALH. CONECTOR.



PROLE-

PROLEGOMENA.

Surgite, mens, animus, cor, lingua volubilis
et vox!

Passio nam Domini jam meditanda venit.
Mente Dei mortem contrita volvere acerbam
Res monet, hanc Paulus commemorare jubet.
Optabat Jesus pro me sufferre labores
Mortiferos, probrum, vulnera, vincla, crucem.
Qvam vellem tanti memor esse favoris, et ejus
In laudes lingvæ solvere plectra meæ.
Ehev! sera subit me nunc contritio tandem,
Paenitet ingratum tamqve fuisse diu.
Plurima passus erat pro me tristissima Jesus,
Qvæ nimium raro sunt meditata mihi.
Victima grata quidem veni hic spectanda, Deus qvæ
Propitiatus erat, qvæ mihi parta salus.
Tristitiam mentis melius quid discutit ægræ?
Scandala quid melius compede vincta tenet?


Quid peccatorum citius sufflaminat æstus,
 Qvam species passi sangvinolenta Dei?
 Patris ubi æterni flagrantia viscera amoris
 Certius, in Christo quam patiente, vides?
 Hæc mea præterea dum commeditatur avena,
 Talia funduntur seria vota mihi:
 O Deus! affer opem sancti spiraminis aura,
 Cedat ut in laudem linea quæque tuam.

EXITUS CHRISTI IN HORTUM

ELEGIA I.

Cæniatus statim postremo vespere Jesus
Laudabat summum voce sonante Deum;
Consortes mensæ simili pietate docebat
Discipulos Dominum concelebrare suum.
 Hic peregrinatus summus regnator in orbe
 Accepit grata mente manuque cibum,
 Jam vide quid facias, pauper, miser, indigus æris,
 Qui mendicato vivere pane soles,
 Te pudeat servum nauci cervice superba,
 Quæ data sunt gratis, summere dona Dei.
Post decantatum (veluti consueverat) Hymnum
Christus oliviferi montis aprica subit.

Te docet hic Jesus laudis adolere preeumque
 Thura Deo, toties qui benefacta tulit:
 Sic sine præmissis precibus transcendere nunquam
 Adproperes tecti limina trita tui.
Chedronis post hac Jesus superaverat undas.
 Nomen id a fusca lympha colore trahit.
 Hæc mihi significent, quod sic superare dolores
 Cogar, et atrati nubila ferre poli.
 Sæpe mihi nimium nimbosus surgit Orion,
 Præcessit Jesus, me jubet ille sequi.
 Nunc oculis mentis cerno te favis Jesu,
 Regula nam vitæ sunt tua facta meæ;
 Seditio fieret, nolebas, grandis in urbe,
 Quando tibi inferret turba scelestæ manus.
 Ergo suburbanum placide secedis in hortum,
 Mox ubi captivus sponte futurus eras:
 Hinc disceo propria non utilitate moveri,
 Publica pax ut sit vilior inde mihi.
 Hæc via mærens ibas; ego lætus iniqui
 Criminis incessi (quæ malefæda) via.
 Sed tua mæroris via pervia jam via vitæ
 Est mihi, quæ possim seandere ad astra via.
 Nostra hæc hortensis via vita miserrima tota est,
 Hospitium tandem nos cava busta manent.
 Ne facias erroris iter, nam tristis averni
 Immodicas poenas, impia vita dabit.
 Plorantes oculi rorent vestigia vitæ,
 Quæ datur in paucos forte fruenda dies.
 Sic penetrans lethi lætus penetrabilia lævi,
 Cælorum jam mox incola sospes eris.



*Hoc iter ingressus Iesus prædixit alumnis,
 Instare his lapsum nocte sequente gravem,
 Ast animo Petrus nimium fidente regeffit,
 Punica me nunquam polluet ista fides.*
 Crimina perspicue mea prævidet omnia Christus,
 Prævidet et lapsus, quæ medicina mei.
 Semper, Petrus ait: contemtor mortis et hostis
 Te seqvar, et tecum solus amicus ero:
 O! spes fallaces, o! mentis inania cæcæ,
 Viribus exiguis fidere velle suis.
 Instabilis nostra et fallax constantia nutat,
 Ni juvet auxilium, Christe benigne! tuum.
 Thesaurus fidei fragili portatur in urna,
 Quod semper, quæso, da meminisse mihi,
 Est tibi debilitas carnis notissima nostræ,
 Sit mihi dux nutus, spes mea Christe! tuus.

PASSIO CHRISTI IN HORTO.

ELEGIA II.

*Gethsemane tristem Iesus intrabat in Hortum,
 Torcular hoc nomen significare volunt.*
 Namque ibi succosæ prelo subiguntur olivæ;
 Egregium locus hic nomen et omen habet.
 Arbor olivifera est Iesus, oleumque salutis
 Hic primo expressum corpore tinxit humum.
 Adam, primus homo, primo peccavit in horto,
 Christus in hoc horto quanta molesta tulit.
 Hortensis fructus prægnantes protulit arbor,
 Crimina, mors illinc, et mala cuncta fluunt:

Hæc alios fructus vitæ dedit arbor in horto,
 Inde animæ requies summa, salusque venit.
Proditor hunc hortum Judas bene noverat, illum
Insidiisque aptum credidit esse suis.
 Abdita quippe solent et devia idonea fraudi
 Esse loca, in quibus et sæpe susurro latet:
 Persimilique modo pergit phlegetonteus angvis,
 Insidiatur enim nocte, dieque mihi.
 Tempora nam circumspicit, et loca fraudibus apta,
 Mille modis vafros nectat ut ille dolos.
 Maxime ubi Domino sancte servire decebat,
 Ex hoc melle mihi toxica dira parans.
 Turba malignorum sic rethnas docta paternas
 Ludere, mentiri, vel dare verba solent
 Sed tamen has artes celant velamine fuci,
 Dissimulant, simulant, tempore quæque suo.
 A duce tartareo sobolisque assultibus ejus
 Custodit tutum me benedictatrias.
Sapius in talem Jesus secesserat hortum,
 Permeditans illic quæ patienda sibi.
 Sæpe patrem petiit votis ardentibus illic,
 Ut sibi passuro tot mala ferret opem.
 Horti sunt Domini vere monumenta piorum,
 Quæ loca devote sunt adeunda tibi,
 Hic meminisse juvat, quam pallida mortis imago,
 Hicque resurgendi Temporis esto memor.
Discipulos Jesus alios remanere jubebat,
Tres tantum reliquos jussit adesse sibi
 Est hortus Christi pugnans ecclesia, sed tu
 Discipulus, sed eas, ille ubicunque jubet,




Si crucis ad molem portandam te vocat, ito,
 Quidquid vult Dominus, sit quoque velle tuum:
 Si gravis insurgat, quædam tentatio, solus
 Ne sis, sed studeas te sociare piis,
 Rebus in angustiis, tales solatia præstant,
 Sæpius est homini dulces levamen homo.
Constrislabatur, niveos salvator et artus
Contremuit, frons ut vento agitata solet.
Nunc anima est, inquit, tristis mea mortis ad ipsa.
Limina, et orantes vult vigilare suos,
Tum jactu lapidis solus processerat inde,
Pronus et in faciem, procidit ille suam.
 Propria mens miserum, me nunc castigat, aperte
 Nam video tanti, quæ tibi causa mali.
 Crimina sunt Eheu! Eheu! mea crimina, quæ te
 Vexarunt, nempe hæc omnia passus eras,
 Omnia passus eras pro me, sanctissime Jesu!
 Quam tibi damnosus, quamque molestus eram,
 Ach delicta mihi mea jam graviora videntur
 Omnibus immenso rebus in orbe suo.
 Namque Patris verbum Jesus est omnia portans,
 Mole sub hac lapsus cernitur ille tamen:
 Hæc eadem mihi sunt maestæ solatia cordis,
 Pax, animæ requies, anchora sacra, mea.
 Insigne hoc lytrum, toto pretiosius orbe,
 Prævalet in justa jam quia lance Dei.
Protumbens Jesus servens orabat et inquit:
Abba Pater! modo fac transeat iste calix.
Non tamen hæc fiat mea, sed tua grata voluntas.
 Hic faciendorum regula clara patet.

Mens humilis, labiumque precans, contritio cordis
 Rebus in adversis sunt retinenda tuis.
 Murmura nam plures atque impatients poenas
 Accelerant, mens est fortis amica Deo:
 Importuna nimis res non efflagitet unquam
 Lingva bonas, humili corde petenda bona.
 Scit Dominus vitæ, quæ sunt accommoda nostræ.
 Qui videt hæc, etiam providet ille suis,
 Spiritus et corpus submissio poplite junctim
 Curventur Domino, ceu venerandus Abram.
 Hortensis lacrymosa nimis tua passio, Jesu
 Hortulus est animæ, delictumque meæ.
 Nam tua mæstitia et penetrans angustia cordis,
 Mæsta tui populi corda dolore levat:
 Intima sic mea te laudent præcordia semper,
 Qui mihi semper eris cordis amicus amor.

AGON CHRISTI IN HORTO.

ELEGIA III.

*Fessus ab orando ter noster surgit Jesus,
 Discipuli stertunt, arguiturque Petrus:
 Ter surgens Dominus sopitos visit alumnos,
 Confugium fuerat nullibi, nulla quies.
 Ardens ira Dei circum volitabat ubique,
 Ossâ, cutem, venas occupat ista lues;
 Nullam prodiderant coelestia lumina lucem,
 Offudit tenebras nox truculenta suas;
 Omnia mæsta silent, tristis filer omnis amicus,
 Ceperunt illi molle soporis iter,*



Exiguam tellus etiam dedit alma levamen,
Undique et auxilium subtrahit illa suum.
Ecce gravis nimium quam terreat astripotentis
Ira Dei, telis percita flamma suis.
Qvem ferit, huic totum nec celfo culmine coelum,
Terra nec auxilium florida ferre valet.
Absqve Deo nihil est, nisi desperatio, terror,
Damna, dolor, rabies, et furiale malum.
Constat et hinc diro, quam, qvi torqventur in orco,
Sit damnatorum poena cruenta fatis:
Vexantur qvoniam, plagaqve vagantur ab una
Ad centum reliqvas, lux ubi nulla datur.
Sicut in igne globus fumo volvuntur in atro,
Nulla salus illic, nec venit ulla qvies:
O! quam terrificum, quam detestabile crimen,
Talia qvod potuit commeruisse mala:
Deniqve præprimis discas, quam floribus uber,
Qvos fructus Christi passio sancta tulit;
Hæc iræ Domini flammæ exstinxit, et una
Propitium nobis fecerat illa Deum:
Omnia te angebant, Jesu! tibi cuncta molesta,
Ut mihi solamen, singula dulce ferant:
Mæstitiæ ducunt tua me vestigia quæqve
Incolumem recta ad regna beata Dei:
Umbrosæ fuerant tenebræ tibi causa doloris,
Luceat ut Domini lux speciosa mihi.
Præstitit auxilium nullus tibi fidus amicus,
Ut Deus ipse mihi præstet amicus opem.
Tandem cum diro Jesus luctatur Agone est.
Hæc meus est factus nocte salubris Ago:

Vicit io! Deus hic, nostra hæc victoria facta est,
 O! mala mors! vires succubere tuæ.
 Taliter incessit rabidæ vis turgida mortis,
 (Res est exempli nescia et illa paris)
Sanguineo Christi totum sudore madebat
Corpus, et hunc fuscum sicca bibebat humus.
 Lapsus Adam sevit crimen mortale, cruentum,
 Diris devota est herbida et inde parens;
 Sudor in hanc Christi patientis et ille cruentus.
 Decidit, hinc diris illa levata malis;
 Jam fructus, segetes, flores, quæque omnia profert,
 Qvotidie nostris usibus apta dicat.
 Frigidus heu: tandem sudor quando occupat artus
 Mortifer ille meos, claustra animæque labant:
 Sanguineus tuus hic sudor, sanctissime Jesu!
 Mitiget hunc, placida et da mihi morte triqi.
 Terribiles animam sudores tristis averni
 Exagitent nunquam, discrucientve meam.
 Est dolor ille tuus fixa mihi mente repostus,
 Qvælibet hunc animo suggerit orta dies;
 Te supplex celebro, te, Jesu! gratus adoro,
 Protinus ut tellus est mihi tacta pede:
 Rebus in angustis cor mæstum transit in hortum,
 Christe! tuum, guttas sanguinis inde legens,
 Hæc ego thûra Deo quando fragrantia libo,
 Mox est delicti gratia facta mihi;
 Grandis origo necis feriem minitata malorum
 Cessavit, qvoniam cesserat ira Dei;
 Ipse mihi Jesus cavit, mea nomina solvit,
 Qvi desperato prorsus in ære fui.



Quanto plus patitur, tanto ferventius orat
Christus, et in medio mortis agone calet;
Angelus inde Dei coelo delapsus ab alto
Insolitam Christo contulit ales opem.
 Auxilii si forte Dei dilatio fiat,
 (Ut dolor interdum macerat iste pios,)

Ingemina, geminaque preces, suspiria mitte
 Fervida, quanto plus ferveat unda mali;
 Crede, tui pater æthereus miserebitur, atque
 Suppetias veniet te patiente citas:
 Angelus ut Jesum juvit, sic angelus ejus
 Nos juvat orantes auxiliante manu,
 Maxime ubi tandem fatales claudimus annos,
 Lazarus exemplo comprobat ista suo.

Laus æterna tui semper celebretur agonis,
 O! Jesu, quantum terra polusque patent,
 Ille etenim fuerat nobis victoria vita, et
 Nullo libertas interitura die.

COLLOQUIUM CHRISTI CUM APOSTOLIS.

ELEGIA IV.

Discipulos Jesus sibi tres elegerat, atque
Jusserat, ut secum pervigilare velint,
Ast ubi pauxillum solus processerat inde,
Somno mox omnes obriguere gravi.
 Hæc de te, Jesu! dudum prædicta fuere
 Vatibus in libris commemorata suis,

Solus divinæ debebas torcular iræ
 Calcare, et tantum tollere solus onus,
 Ne mea peccatis indormiat illa malignis
 Membrorum rectrix, mens vitiosa nimis.
 O! Jesu nolis unguem discedere latum,
 Sed cura vigili semper adesto mihi:
 Tuta mihi requies nocturna est, si modo mecum
 Advigilas, omni hæc vespere vota fero.
Discipulos ter adit Jesus, Petrumque rogabat,
Ut vellet secum pervigilare parum,
Hoc magis elanguens obtorpuit ille sopore,
Novere et reliqui nec sua dicta satis.
 Floriferum quondam Jesus me induxit in hortum,
 Ut vigilans facerem, quæ facienda jubet,
 Hoc mihi baptismus, sacri quæ aspergine fontis
 Tinctus eram nuper natus, abunde probat.
 His annis teneris inciticia turbida sensus
 Obtinuit, quantum perdidit iste sopor!
 Disciplina mihi tum profuit æqua parentum,
 Excussit somnum, quæ mihi sæpe gravem:
 Nunc ubi se paulo maturior obtulit ætas,
 Cæperuntque anni multiplicare dies,
 Lascivus nimium pruritus se intulit una,
 Atque soporiferum subdidit ille melos.
 Tum vigilum Christi, proclamans voce sonora
 Nutanti, dixit buccina, surge, mihi
 Tandem succrescens artus sopor altus habebat,
 Sirenum visa est musica blanda nimis;
 Hinc mundanus amor, langvor pietatis apertus,
 Neglectusque precum causa soporis erant:




Sæpe qvidem movit me sancti flaminis aura,
Et jubar irradians intima cordis agri:
Hæc contra fatuo torpebam sæpe veterno,
Ut fuerit moniti vix mihi cura Dei;
Hev! quam cæca fuit, mea tunc vesania quanta
Qvæ mihi pænarum causa pudenda fuit:
Attamen haud cesses, o! clementissime Jesu!
Nutu perpetuo me revocare tuo,
Sive mihi monitum dederis affamine blando,
Sive velis virgis me lacerare tuis.
O! quam nunc vellem tecum vigilare libenter,
Spiritus est promptus, sed malefvada caro.
*Discipulos Jesus, sivit dormire parumper,
Indulgens illis, (sic mihi sæpe facit).
Ut tandem veniens acies armata machæris,
Institit, orantes evigilare jubet;*
Proditor haud procul est, inquit, sopor omnibus absit;
Hortamenta tibi talia dicta putes:
Hostis adest homicida, celer ruit orbita fati,
Et brevis est multis mortis aperta via:
Judicium mortem sequitur, tempusque tremendum,
Cum ruet excelsi machina rupta poli,
Jam draco tartareus suffusus lumina flamma
Insequitur fallax, absit ab ore sopor:
Qvotidie vigilans defleto crimina, et omnis
Armatura Dei sit capienda tibi;
Semper in orando vigiles, oratio namque
Contritis aperit coelica regna Dei:
Impendent etiam tentamina grandia, qvorum
Obrusa infringit spicula cura precum.

Auditus visus expers, cassumque loqvela
 Exanime est corpus, sic anima absque prece,
 Da vigilem tecum, Jesu dulcissime! mecum
 Fac vigiles, vigil es tutus abunde mihi:
 Mens, animus vigilant sopito corpore, et illis
 Pervigil excubiis prospice, Christel tuis.

ADVENTUS JUDEORUM IN HORTUM.

ELEGIA V.

*Hæc Jesu dicente suis, ruit improbus illuc
 Proditor, armatos ducit et ille viros;
 Laternas calidasque faces strictasque machæras
 Ordinis attulerat, turba ministra sacri.*
 Sæpius eveniunt inopina pericula multis,
 Unaque nox raro tuta venire solet;
 Hæc meditanda omnis sunt sub primordia noctis,
 Atque petende piis intima cura Dei,
 Sic tuti poterunt larvas contemnere noctis,
 Advigilante Deo terror inanis erit.
*Hoc unum sociis Judas ait esse notandum,
 Cui dederit labris oscula blanda suis,
 Funibus ut vinculus caute ducatur in urbem,
 Ne pereant prædæ gloria parta datæ.*
 O! quantus furor hic Judæ et dementia qualis,
 Exemplum fugiat, cui sua cara salus:
 Candida mens subsit, procul hinc fallacia technæ,
 Esto procul fraus, mens insidiosa, dolus,
 Quamlibet in tenebris serpat contagio talis,
 Ante diem veniet, forsitan ante diem.



*Eventura sibi prænovit singula Jesus,
Occurrit rabidis hostibus ille tamen;
Hostibus occurrens placide, quem quæritis, inquit?
Hi nihil addubitant vera probanda loqui:
Quærimus hic, ajunt, Jesum cognomine noto,
Qui Nazarenus dictus ab urbe, suo:
Rettulit, ille ego sum; dicto velocius omnis
Ad magnam matrem martia turba cadit.
Qvicquid, Christe! tuos armatos terruit hostes,
Erigit attonitum, cor, animumque meum:
In me quando Deus peccantem concitat iras,
Occinit hæc tua vox, o! Pater! ille ego sum:
Ille ego sum, talem miserum qui morte redemi
Sangvinca, virgis hac vice parce tuis;
Intercessio quæ Jesu mihi proderit, unde
Sistetur summi sævior ira Dei.
Infernus quando serpens, mens, conscia, crimen,
Omnia me terrent, exagitantque simul,
Ille ego sum dicis Jesu! qui crimina tollo,
Cev nubes boreas spargit agitque leves;
Si tua fundata est, in me fiducia constans,
Sublata hæc noxæ crede venena tuæ.
Si me paupertas, morbus, dolor anxius urget,
Ille ego sum, faris, qui mala tanta levo;
Divitiæ, perfecta salus, jucunda voluptas
Te modo certa manent, et sine fine quies:
Sic decedentem præscripta mortis in hora,
Postremo summi judicii que die,
Consolabuntur tua me, carissime Jesu!
Hæc verba, ambiguo pectora sole metu,*

Ille ego sum, tibi qui coelestia gaudia dono,
 Ut mecum servus vivat ovetque meus:
 Hinc igitur valedicturus terrestribus ibo,
 Extremum claudens lætus in orbe diem.
 Hisce tuis verbis, Jesu bone! succino, dicens,
 Ille ego te venerans, te meus ardet amor:
 O! utinam resonans a te mihi concinat echo,
 Ut dicas, redamo te similique modo:
 Ista reciproca verba velim communia nobis
 Perdurent hic, sed perpetuanda magis,
 Cum paradisiaca victurus civis in aula
 Te laudo jugi carmine, fiat, amen.

OSCULUM JUDÆ ET CAPTIVITAS CHRISTI.

ELEGIA VI.

*Hostibus infractis Jesus non aufugit inde,
 Sed modo surgentes mitis ut ante rogat,
 Quem vos armati, capiendum quæritis, illi
 Sed responsa dabant, quæ memorata prius:
 His contra Jesus, si vos me quæritis, inquit,
 Discipulis liceat gratis abire meis.*
 Hic satis elucet Jesu divina potestas,
 Cujus erat nutu martia fusa manus,
 In quem nil valuit rigidis furibundus in armis
 Miles, et infesto pectore bella gerens:
 Insurgat quamvis in me vis hostica, Christo
 Sic valet invito nec mihi damna dare.



Morigerus Patri Jesus se dedit, et mox
Hostibus in prædam cesserat ille suis.
 Sese impugnantî Jesus non restitit hosti,
 Ergo rebellanti pax data sæpe mihi,
 Sponte libensqve meus Jesus meâ nomina solvit,
 Quæ me cunqve jubet sponte libensqve feram.
Mox Domino Judas falsi simulator amoris
Oscula dans, salve, care magister! ait;
Mansuetus contra Jesus respondit amice,
Cur venis. O! Juda? quæ tibi causa viæ?
Tunc hominis gnatum per suavia basia prodis?
 Quam male provenient oscula falsa tibi.
 Eva semel pomum decepta admoverat ori,
 Serpentis blandis illaqueata dolis,
 Blanda igitur vafri simul ac fallacia Judæ
 Oscula sunt labiis addita, Christe! tuis:
 Dæmonis illecebras et fraudes comprime mundi,
 Ne fiant labiis mortifera esca meis
 Et vitam famamqve meam, Pater optime! serva,
 Hostis ut in vanum noxia tela cadant.
 Lucida sunt oculis fraus et fallacia quævis,
 Christe! tuis, angve est hæc fugienda magis:
 Dic tibi me carum, Jesu dulcissime! amicum,
 Et mecum tanquam verus amicus age:
 Sæpe mihi fraudes struxit deterrimus angvis,
 Qui tenet astutis pectora læsa dolis;
 Hostiles sensit fraudes hoc tempore Christus.
 Hostis ne noceat fraus scelerata mihi.
 Oscula libamus Jesu, convivia coenæ
 Mystica cum Domini concelebrare licet;

Si tibi cara salus, procul hinc simulatio fucus,
 Hic cor contritum poscitur atque fides;
 Namque aliud verum est, aliud simulatio veri,
 Vir cernit faciem, corda tenella Deus.
Mox effusa cohors turbam glomeratur in unam,
Irruit, et Christo vincula sæda parat.
Funibus intortis stringunt titubantia membra,
Et vexant vinclis candida colla suis.
 Te, Jesu! nexis confrixit turba catenis,
 Sed cui vinclorum buccina prima fui:
 Nunc peccatorum, quæso, mea vincula solve,
 Laxenturque eadem sortis acerba meæ.
 Aspera constrictum lacerabant vincula Christum,
 Hostica sunt igitur vincla levata mihi.
 Ista tuo, Jesu! circumdata vincula collo
 Semper sint animo vincula nexa meo,
 Hæc mihi constringant artus atque omnia membra,
 Ut stricte vitem, qua patet omne scelus.
 Spiritus at liber dum vividus hos regit artus,
 Servitii subeat svavia vincla tui.

DEFENSIO PETRI.

ELEGIA VII.

Cernentes res ad summum venisse molestas
Discipuli, Christum, quæ facienda, rogant,
Nonne repellendam vim vi velit, inque superbi
Hostis convertant arma cruenta caput.
 Quidquid agis, consultus age, et perpende, priusquam
 Incipis, an felix exitus acta probet,



Sæpe inconsultum suamet svadela fefellit,
 Et semel effectum non revocatur opus:
 Ast humana omnis cum sit sapientia fallax,
 Consilium tibi dent dogmata sancta Dei,
 Hæc, quid agas, et quid fugias, certissima dicunt,
 Hæc tutam monstrant, et sine fraude, viam.
Vagina vacuum gladium collimat in ictum
Commotus Petrus, Malchus et inde luit,
Servo pontificis districtus defecat aurem
Ensis, at intactus cætera miles erat:
Discipulos vetuit gladios vibrare modestus
Christus, et ad Petrum mox ita verba facit:
Ense notens pereat quisquis distrinxerit ensen,
Ensem nudatum, Petre! reconde tuum;
Credisne angelicas, cui parent omnia, turmas
Patrem suppetias mittere posse mihi?
Etsi bis senas legiones poscere vellem,
Iste calix qualis nonne bibendus erit?
Quomodo perfectam vatum, monumenta sacrorum
Posse putas aliter commeruisse fidem?
His dictis aurem servi sanabat iniqui
Solo contactu Christus amicus ei.
 Duplicis hic gladii meminit Salvator, eorum
 Unus erit, quem fert iudicis alta manus,
 Alter, quem proprio deposcit inutilis ausu
 Ultio, quam prohibet summus in orbe regens.
 Clare Magistratus! qui munere iudicis æqui
 Fungaris eximio, pauca monendus eras,
 Esto probus, mitis, sceleratos acriter autem
 Comprime, et in tales utere jure tuo,

Nec patiaris eos sine ferro vindice inultos
 Ire, sed ut Moses semina tolle mali:
 At tuus in propria causa non emicet ensis
 Evaginatus, lex vetat ista Dei.
 Est vindicta Dei, jus est simul illius omne,
 Tu cave, surripias hæc sua jura Deo;
 Ille Magistratus statuit, custodibus istis
 Armigeris gladium tradidit ille suum,
 Quo si neglecto quis sese ulciscitur ipse,
 Vindice contemto forte peribit eo.
 Præterea Malchus mutilata denotat aure
 Omnes spernentes vivida verba Dei,
 Talibus est quoniam sua dextera debilis auris,
 Integra sed nimis et salva sinistra manet,
 Irrisus, fannas, apinas, ludibria, nugas
 Auribus accipiunt et repetita tenent.
 Hic incisa fuit Malcho nota iusta vacerræ,
 Talia perversos pessima signa notant;
 Contemnunt Domini divini pabula verbi,
 Quæ censent cassa non redimenda nuce,
 Te, Jesu! supplex votis instantibus oro,
 Ne nota sit quando talis iniusta mihi.
 Insuper exemplum Christi memorabile discas,
 Quem plane obruerat sæva procella mali,
 Artamen auxilio Patris confidere certo
 Cernitur, en fidei norma sequenda tibi;
 Indesperatis (cum turbant omnia) rebus,
 Nunquam desperes omnipotentis opem.
 Dicitur a Christo sibi traditus atque bibendus,
 Quamlibet insuavis passio tota, calix;



Sic tua poena, dolor, morbus, quæque omnia suffers,
 Dicendus merito, quem dedit ille, calix;
 Hunc pro te patiens tibi propinavit, eundem
 Ebibe tu patiens, sicut et ille bibit;
 Est tua debilitas ipsi notissima, crede,
 Viribus infirmis condolet ille tuis,
 Sic calicem caute miscet, moderatur et illum
 Juxta mensuram, quam vidit esse parem;
 Sponte bibit Jesus, quævis acidissima, duplo
 Dulciior et minor est potio mixta tibi.
 Fulgerat egregie tua mira modestia, Jesu!
 Sanando Malchum, qui tamen hostis erat
 Indiget et languens mea persanetur ut auris,
 Audiatur ut verbum religiosa tuum.
 Affer opem, Jesu! crucis ut mihi quælibet acris
 Infractus constans pocula mixta bibam:
 Si quando infirmas mihi forte labescere vires
 Cernis, et eglidam velle perire fidem,
 Ach! miserere, mihi lapsanti porrige dextram,
 Ne penitus tanto mergar in oceano.

ORATIO CHRISTI AD JUDÆOS.

ELEGIA VIII.

*Instantes hostes Jesus affatur, adestis
 Armis instructi, perfida turba mihi,
 Audetisque inferre manus ut forte latroni,
 Qui prædas agitando impia facta luit,
 Quotidie in templo docui, violaverat autem
 Nullus sacrilega me retinente manu,*

Sed

*Sed jam tempus adest vestrum, tenebroso potestas,
 Impleat ut verax sit sua verba Deus.*
 Ingenium patet hic Jesu, quam mite, benignum,
 Exemplumpve docet grande modesta seqvi;
 Omnia Judæis tulerat benefacta protervis,
 Gens habuit cuculi schema sed ista mali:
 Nil mirum, quamvis mundus benefacta pusilla
 Ingrata accipiat mente manuque, mea.
 Hostica vis potuit, Jesu! tibi nulla nocere,
 Eviētas dederis tu uisi sponte manus,
 Temporis hoc punctum fixum Pater orbis et ævi
 Præstituit, quo te vellet id omne pati,
 Principium finemque mei mæroris acerbi
 Sic quoque constituit, qui regit omne, Deus.
 Vestrum tempus adest, Jesus latronibus inquit,
 Sæpius hæc equidem sunt meditata mihi;
 Tempore me manet hoc Domini patientia summi,
 Namque est æterni dives origo boni;
 Qvod dedit hic tempus si quis neglexerit, illi
 Sperandum est tempus, spes ubi nulla boni:
 Mitior hic quanto, quantoque diutius ista
 Spernitur iuvenſi gratia summa Dei,
 Tanto poena venit vehementior, ultio tanto
 Acrior, ut vitæ janua clausa fuit:
 Per numen nomenque Dei, mea stabilis aura
 Vitæ, te moneo, desine prava seqvi,
 Dudum tempus adest, quo poenituisse decebat,
 Tempus quo flectas ad meliora viam;
 Hoc igitur resipisce die, nam nescis amica
 Gratia an hæc pateat nocte seqvente tibi.



Tangitur hic etiam, tenebrarum imbrofa potestas,
 Ista, Magistratus! sint, bone, dicta tibi;
 Instabilis nimium quam sit mundana potestas
 Perspice, et attrahito turgida vela parum:
 Dissipat ut tenebras lux fulgida lumine densas,
 Zelus ira extirpet facta seclasta tuus:
 Sordebit tua mox umbratilis illa potestas,
 Umbriferam quando mors jubet ire viam:
 Cernitur extremis nullum discrimen in umbris
 Magnarum, pravos umbra sed una tegit;
 Est umbra levior tua gloria, gloria quando
 Summa Dei vivi splendit in arce poli.
 Quandoquidem tenebris est assimilata potestas
 Mundana, esto fides ejus ut umbra levis;
 Est infida fides, quam præstant sæpe potentes,
 Qvcis fidas nimium cautio fida vetat.
 Adsis umbrivagi, Jesu! lux splendida mundi,
 Atque Magistratus dirige luce tua
 Semper ut illorum splendor virtutis, et usus
 Justitiæ, radians phæbus ut alter eat.
 Passus es, o Jesu! mihi venerat inde levamen,
 O! quam felices plausibilesque vices,
 Te semel afflixit tenebrarum dira potestas,
 Orci, ne noceat vis tenebrosa mihi.


FUGA DISCIPULORUM.

ELEGIA IX.

*Ut captum vinctumque suum videre magistrum
 Discipuli, cedunt præcipitante fuga,*

Frustra

Frustra suppetias hominum sperabimus ullas,
 Si non suppetias fert manus ipsa Dei,
 Sit fortuna tonans, et opem fors aspera poscit,
 Crede mihi quisque est proximus ipse sibi:
 Caute igitur vivas etiam ipsos inter amicos,
 Sæpe vacillat enim lubrica amica fides.
 Sentio jam quanto mea fors sit tristior horum,
 Qvi fugiunt Christo non prohibente fugam;
 O! quoties a te, Jesu! nolente refugi,
 O! quoties lata est hæc via trita mihi,
 Cum propriis mea mens pravis affectibus amens
 Parebat, profugus castraque in hostis eram,
 Sic merui profugus fieri phlegetontis ad ima
 Tartara, sed juvit me miserere tuum:
 Solus es in turmis hostilibus ergo relictus,
 Cogar ne æumnis solus inesse meis,
 Deseruere omnes te, me soletur ut omne,
 O! Jesu, fac sim nullibi solus ego.
Sed puer ille sequens Christi vestigia in hortum
Discipulus, paucis commemorandus erat,
Linea quem vestis, saltem contextit, eundem
Et pueri captum detinere mali,
Hic veste abjecta, nudus defugerat, ipsi
Nam vita vestis vilior illa fuit.
 Præstabit, vacuus fugias et nudus ab hoste,
 Quam te famosis associare viris.
Inde cito vinculum per muta silentia noctis
Abduxit Jesum flagitiosa manus.
 Quam graviter Christum crudeliter atque tyranni
 Tractabant isti! qualis et ille furor!



Jaſtavit, traxit, vexavit et exagitavit

In tenebris Dominum gens ſcelerata ſuum:
In tenebris mortis vinclis conſtriſtus iniquus

Servus, et ad mortem jure trahendus eram,

Sed quia mortis iter Chriſtus calcabat apertum,

Eſt via jam vitæ pervia facta mihi,

Haud trepidans igitur mortem mortisque dolores

Præmeditor, lætus mortis iturus iter.

Te, Jeſu! quoniam ſic durus jaſtitat hoſtis,

Et per ſanguineas raptat agitque vias,

Ales ab excelſo rutilans demiſſus olympto

Me feret in manibus, te moderante, ſuis:

Tu ſemel in tenebris agitatus es, ut mihi clarum

Splendeat ætherea lumen in arce Dei;

Idque iter umbroſum, quod erat tibi cauſa dolorum,

Eſt mihi perpetuæ ſvave ſalutis iter:

Tale iter ut poſſim contendere tramite recto,

Hoc et inoffenſo continuare pede,

O! Jeſu cohibe vaſtras cacodæmonis artes,

Ne me captivum in crimina ſæda trahat.

PRIMUM EXAMEN CHRISTI CORAM CAIPHA.

ELEGIA X.

*ſam primo ducunt ad celſa palatia Jeſum
Hannæ, ubi deſeſſo non data longa quies,
Sed mox ad triſtes Caiphæ deducitur ædes,
Hannæ percelebris nam gener ille fuit,*

*Jure sacerdotis, gaudens hoc tempore summi,
Audaci miscens fasque nefasque manu.*

*Expulsus fuerat Jesus ex ædibus Hannæ,
Quæ bona quis dicat, nulla dabantur ibi:
Ire relegatus coelestibus exul ab aris*

*In loca promerui, nulla ubi tuta quies,
Irrequietus ea, Jesu! sed nocte fuisti,
Æterna in coelis ut requiete fruar:*

Jam cor atque domus meâ sint nocturna diurna

*Mansio! quam pauper, dives amice tibi,
Si crucifer venias, venias optatus, et esto*

*In cruce solamen solus et omne meum
Consilium dederat Caiphas, moriatur ut unus*

*Pro toto populo, vivat ut ille, suo
Spiritus officii dictasse hæc creditur illi,*

*Ignaro qualis decedit ore sonus,
Exemplum Bileam par suggerit, ille propheta
Vix melior, nolens commodâ dicta dabat,*

*Captus avaritiâ novit quæ dicere vera
Dicere vix voluit, cæcus et alta videns:*

*Spiritus æterni coelestis numinis aura,
Fac Deus! et sensus, et mea verba regat,
Ut mens, lingvæ simul falsi simulaminis experts
Te mea magnificet, laudet, adoret, amet,*

*Cum Caipha præsens cæcus convenerat omnis,
Nempe sacerdotum turba perosa Deum,*

*Summus et antistes, Christum pro munere claro
Quid doceat, quales discipulique rogat;*

*Cui responsa dedit Jesus: ego semper aperte
In templo docui, vestra ubi secta fuit,*



*Hæc quid me rogitas, sed quæras, quos ego passim
Edocui, dicant, quæ tibi dicta cupis.*

Vespere noctifero subiit examen Jesus,

Tale quid ut facias, læpe necesse puta,
Qvolibet excutias et quæras vespere sero,

Elapsa fuerint quæ tua facta die,
Vespertina dein contritio vera sequatur,

Quisque salutaris sic tibi vesper erit.
Et veniet tempus, quando, Divine Sacerdos!

Reddenda est ratio muneris arcta tui,
Quærendus quænam docuisti, et qualiter illa,

Et de discipulis verba ferenda tuis.
Qvos, te securo, quis devius abstulit error,

Hæc tempestive præmeditata velis;
Fac sit sermo tuus, penetrans, sincerus, apertus,

Perpetuo sonitu ceu reboante tuba;
Cæcus adulator, blandus parasitus, et omnis

Edicens cordi dissona verba suo,
Seducens animas, Domini violator honoris,

Accipiet meritis digna flagella malis,
Innumerus, fateor, meus est defectus et error,

Parce, precor, Jesu! parce benigne mihi:
Tu perfectus eras, meus hic defectus et ergo

Sit reclusus, famulis affer opemque tuis.
Omnibus hic etiam pia regula traditur, ut sint

Illis verba Dei dux, cynosura, canon,
Illa fidem gignunt, genita generabitur illa

In factis pietas, officiosa bonis.
Infando Christum pulsabat verbere servus,


Responsum contra mite sed ille dedit.

Protopatri grandes alapas mens conscia pravi
 Infixit merito tartara ad ima reo,
 Erubuit, tactisque genis suffusa pudore
 Mens hæsit, nuper lapsus ut ille fuit.
 Hinc Jcsus colaphum patitur plagæque ruborem,
 Jam nuper factus præda cruenta viris.
 O! Jesu! mala qui perpeffus es omnia, tollant
 Omnia, quæ vivunt, nomen ad astra tuum,
 Vulnera mulce animæ male sanæ, et tolle ruborem,
 Quem mihi subdiderat scorpius ungue ferox.

ABNEGATIO PETRI.


ELEGIA XI.

*Discipulos dixi capto fugisse Magistro,
 Sed procul hunc Petrus pone secutus erat,
 Petrum Discipulus quidam comitatur et alter,
 Et merito Jesum deslet uterque suum:
 Pontificis prior hic intrat sibi limina nota,
 Permissu servæ, Petrus et illa subit.
 Collibet, o! Jesu, tua nunc vestigia presse
 Sancta seqvi, tardi sed miserere mei,
 Quamvis et procul, et lento pede subsequar, aut si
 Impatiens animus claudicet atque fides,
 Debilis ut vento jactata vacillat arundo,
 Erige, confirma me relevante manu.
 Frigus erat, prunasque focis fumantibus illic
 Servi subdiderant, igne levantque gelu:
 Hic Petrus expectat, quem capta tragædia finem
 Esset de Domino tandem habitura suo;*



*Sic stantem fixis quædam conspexit ocellis
 Serva levis, jamque hos fundit ab ore sonos:
Hicce, puto, fuerat Jesu comes improbus unus
 Nazarei, pavidus Petrus at ista negat,
Queis dictis cecinit surrecto vertice gallus,
 Jamque negans parat hac tristis abire domo:
Altera mox eadem repetivit verba ministra,
 Et repetit Petrus verba neganda sua:
Nunc quisquis rogitat, tunc es, tunc unus eorum,
 Nuzereo duce quos unum agitabat iter?
Ille metu trepidans hæc pleno pernegat ore,
 Dictorum testem provocat atque Deum,
Addiderunt quidam: sermo Galilæus aperte
 Te prodit nobis, et dialectus iners,
Agnatus Malchi super ingerit: anne videbam
 Te capto Jesu præsto fuisse tuo?
Horrendum tandem Petrus per numina jurat,
 Hunc sibi conspectum non semel esse visum,
Et statim cantabat avis prænuncia lucis,
 Omnia ceu Christus vaticinatus erat.
Imminet exitium mille et discrimina vitæ,
 Ni tibi sint Domini vivida verba duces,
Ne caput attollas fastu sublime superbo,
 Instabilis namque est viribus orba caro.
Qui se præcipitans in aperta pericula mittit,
 Fatali lapsu sæpe repente ruit.
Intrepidus nuper Petrus pugnabat in horto,
 Et caput in casus mille daturus erat,
Jam leve mancipium verbis conterruit illum,
 Atque secuturi causa doloris erat,*

Denique et erroris spissa caligine merfit,
 Talia crede usu posse venire tibi.
 Est similis flammis tremulis vitiosa voluptas,
 Oblectans carnem, sed metuenda piis,
 Perdita gens sceleratorum concurrit ad istas,
 Inflavit flammam quas mala Diva Paphi,
 Hos cave ceu pestem peccati gurgite merfos,
 Vel cum perversis forte peribis eis.
 Serva procax patulo spargens de gutture fannas,
 Pravorum dici putida lerna potest;
 Sæpe cavillatur Christi truculenta ministros,
 Ad quodvis pernix ore manuque scelus.
 Post primum lapsum Petrus cessurus ab aula
 Incidit in majus, dum fugit ipse malum,
 Nam circumdederat trepidum, violenter et instat
 Perculso stygii turba ministra lupi.
 Proclive est multis funesta pericula adire,
 Quidam præcipientes in sua damna ruunt,
 Quem laqueus tenet hic, fore inextricabilis illum
 Distinet, hic morbus mortifer esse solet.
 Sæpe virum prodit sermo quis qualis et ille,
 Est nota perversi frivola multa loqui;
 Discipulus Christi tam celsa a culmine lapsus
 Indicat exemplo, quæ metuenda mihi,
 Quem tenet assidue secunda incuria, contra
 Tot pugiles hostes quomodo tutus ero?
 In mundo immundo versor, mihi sæpius inde
 Deveniunt lapsi tristitia signa pedis,
 Et nutant carnis vires: tuus, oprime Jesu!
 Spiritus illustrans me regat atque tegat!



PÆNITENTIA PETRI.

ELEGIA XII.

*Sublitterat Petrus fumosa in præfulis aula,
Cantarat volucris bis quoque martis avis,
Ter Petrus Christum pavidus negitaverat, atque
Dictorum testem fecerat ille Deum,
Tum se convertens ad eum respexit Jesus,
Conversus monito fiat ut ille suo:
Mox animum lapsi subeunt, quæ Christus in horto
Dixerat, illacrymans egrediturque domo.
Cordibus in nostris gallus cantare videtur,
Quando gravis mentem culpa patrata movet;
Conscia mens hominem sceleris discrimine tactum
Exagitat stimulis, arguit atque premit;
Nec spes libertatis ei, nec gratia, sed jam
Vertitur, ut laqueo capta repugnat avis;
Emerget nunquam propriis ex gurgite tali
Viribus, exfurgens labitur ille magis:
Clamat lex Domini vel ut altera cantio galli,
Detegit et fordes criminis illa putres:
Hæc mentem torquet, lapidat, diverberat, urget,
Pondere sed nullum criminis illa levat:
Hisce caro petulante recalcitrat impia nisu,
Hinc cerussatus fucus, et inde dolus:
Aspectus Jesu sacri spiraminis auram
Denotat, exhilarans flatus et ille beat,
Ille finit legem primo terrere tonantem,
Postea solando pectora mæsta fovet:*

Ille fidem donat, lapsantes erigit ille,
 Implicitos morbis sanat et ille suis:
 Idem luctificum perfringit carceris antrum,
 Subvenit et victis, vincula laxat eis.
 Non opis est propriæ, commissæ tædia noxæ
 Præstare, aut fidei justificantis opus;
 Laberis ut Petrus, propensi numinis auræ
 Attribuas, detur si metanoia tibi:
 Desipit heu! nimium, qui se putat esse molesta
 Eluctaturum singula, quando velit,
 Aspectu Jesus si te dignatur amico,
 Hunc oculis gratis respice et ipse tuis;
 Fletibus ora rigans deleta crimina acerbis,
 Et tua sit Christi sanguine nixa fides:
 Exuere ingenium, et pravos dediscere mores
 Discito, sic veniæ spes erit ampla tuæ;
 Pœnituisse parum prodest, si pergis ad atras
 Ante eructatas inde redire dapes.
 Agnoscens Petrus lapsum, defugit ab aula
 Infami, monitum quod dedit ille tibi.
 O! Jesu, pavidum placido me respice vultu,
 Quod morbis animæ est certa medela meæ:
 Quando, quod nimium, nimium sæpe accidit, erro;
 Me moneas nutu commiserante tuo.
 Ad te suspicio sæpe, o! mitissime Jesu!
 Irriguis oculis, forte tonante, meis,
 Ad me respicias oculis clementibus, unde
 Aspiret velis aura secunda meis!



ALTUS JUDICIALIS CAIPHÆ.

ELEGIA XIII.

*Inde Sacerdotes satagunt nullo ordine captum
 Juris processum continuare suum;
 Putida spirantes ergo mendacia testes
 Quærunt, qui dicant, quæ modo dicta velint;
 Sed quæ testantur, sibimet contraria dicunt,
 Corrupti testes, Christus ad illa flet.
 Si te lingua procax mendaci lancinat ore,
 Et falsi fontem criminis esse facit,
 Præcave, ne fervens irarum fluctuet æstus,
 Lingvaque præcipitet verba superba nimis:
 Sæpe bonam causam læsit petulantia stulti,
 Sedavitque iras lingua modesta silens.
 Nulla injusta a te vel dicta, vel acta sit unquam
 Causa fori, lanx est judicis ægva boni.
 Splendida sæpe vomens mendacia lingua peribit,
 Et petulantis animam denecat ipsa suam.
 Judice quando Deo veracibus arguor olim
 Testibus, effugii spes erit ista mei,
 Læserunt Jesum confecto crimine testes,
 Testata ergo mihi crimina nulla nocent.
 Adjurans Jesum Caiphas violentius urget,
 Ut dicat, si sit filius ipse Dei,
 Omnia qui primum verbo spirante creavit,
 Et simul æterno numina cuncta regit:
 Christus id affirmat, certo prædixit et illi,
 Postea spectandum semet in arce poli:*

Fervidus hic zelo, vestes lacerare sacerdos
Caperat, ut tumido suggerit ira viro;
Hæc, ait, est ingens blasphemia, dicite, vobis
Quid visum fuerit, nonne ea causa necis?
Respondent omnes, fuit hæc vox omnibus una:
Hic dignus morte est, hoc capitale scelus.
 Christus, qui tacuit prius ad mendacia tetra,
 Audito Jovæ nomine verba facit;
 Sic tibi cura tui semper levis ipsius esto,
 Nominis at magni maxima cura Dei:
 Quæsitus constans profer veracia verba,
 Pulvereqve minas, verbaque sperne viri.
 Nunc Caiphæ multis consveta est dictio juris;
 Qui modo, principibus quæ placuere, probant;
 Sic fugat Astræam Magnatum stabilis aura,
 Ut sit ei passim prorsus operta via,
 Sed mihi sunt eadem, tibi quæ solatia, Jesu!
 Me quando, ut solitum est, crux onerosa premit,
 Nempe quod in dextra Domini post funera spero
 Tempore in occiduo secula læta dari.
 Concilii unanimis statuit sententia mortem,
 Christe! tuam, sic est vita statuta mihi;
 Æternas posthac grates quæcunque medulla
 Pectoris ergo mei dicat agatque tibi!


SERVORUM LUDIBRIA IN CHRISTUM.
 ELEGIA XIV.

Jam somni genitrix populo nox ingruit atra,
Jamque Sacerdotes membra quiete levant,



Sed Christus servus datur observandus iniquis,
In quem tunc sannas evomere suas,
Quorum alternatum differia cruda, cavillas,
Sordida sputa, alapas, verbera sæva tulit.
 Cernimus hic Jesum, cunctis animantibus alta
 Qvi requie dederat nocte silente frui,
 Ipsi defesso, jactato nox ea tristis,
 Horrida, pervigil ac irrequieta fuit.
 Sæpe mihi nocturna quies, placidique soporis
 Gratia dia data est, languida membra fovens,
 Acceptum refero tibi, quod, dulcissime Jesu!
 Inquies hic fueras, hinc mihi facta quies.
 Quando crucis mortisque mihi nox fulva propinquat
 Sit mihi lux vitæ nox tenebrosa tibi:
 Dæmonis insultus, scuticas mentisque malignas,
 Et mortis rabiem, comprime, tolle, fuga.
 Omnibus; et merito, diris jam devovet illos
 Furciferos hominum plurima turba malos,
 Fecere afflicto qvi tot ludibria Christo,
 Addentes verbis verbera crebra suis;
 Sed tamen his similes, quidam spectantur, atroci
 Ingenio, genio, quolibet atque modo:
 Quid faciunt, ludos faciunt qvi dogmata Jovæ,
 Impietas quorum pectora cæca tenet,
 Et maculant fædo nigræ loliginis æstro
 Spargentes verbi semina pura Dei:
 Gratia queis Domini, sacraque volumina legis
 Et via coelorum cognita tota patet,
 Attamen æmonias artes et carmina Circes
 Pertractant, tales poena decupla manet.

Serva cohors Caiphæ Christum non noverat, ergo
 In vinctum lingvas exacuerè suas:
 Sed qvi Christianos simulant, atqve orgia vivunt,
 Christo mastigas qvis neget esse magis;
 Sic et hypocritæ erunt, fidci qvi tegmine velant
 Ambiguum pectus mellea felle gerens,
 Hi similes illis, faciem velamine Christi
 Qvi tectam plagis impetiere malis;
 Nunc irrisores, miseros qvi ludere gaudent,
 Maxime in hanc scenam posse venire puto,
 Pauperis atqve pii qvoniã contemptus ad illum
 Spectat, qvi miserum finxit in ossa virum,
 Qvis vilem servum poenas neget esse daturum,
 Qvi luit gnatum, patre vidente, pium,
 Qvalia sustulerat nocturno hoc tempore Jesus,
 Vexatus verbis verberibusqve simul,
 Talia et a colubris diri censentur averni
 Semper damnatis perpetienda viris.
 Ignotum miserum caveas deludere, namqve
 Ignoras, qvalem sqvalida scruta tegunt.
 Conscia mens tandem mea nunc me pungit eorum,
 Namqve irrisorum pars ego magna fui.
 Me miserum! quoties peccati semina jeci,
 Et metuo messis tempora mæsta nimis:
 Corporis atqve animæ tristis tua passio, Jesu!
 Corporis atqve animæ est, certa medela meæ;
 Semina justitiæ jecisti florida, fructus
 Provenit hinc multus, publica nostra salus,
 Me tuus effusus guttatim sanguis ab omni
 Labe lavat, lympha qva bene lotus ero.



Facta tibi quævis irrifio gloria nostra est,
 Quæ turos stygii præstat ab ungue lupi;
 Ergo tuas laudes celebrabo criminis osor
 Omnis, et adspirans ad bona quæqve simul.
 Aspira, o Jesu! nostris conatibus illis,
 Et, bene quod cæptum, fac, bene vertat opus!

CONTINUATIO CONCILII JUDAICI.

ELEGIA XV.

*Luce nova repetit comitia sæda senatus,¹
 Ut possint tinctas sanguine ferre manus;
 Adduci Dominum faciunt, quæruntque minanter,
 Et Christus Jovæ progenitore satus?
 Respondit Jesus: quamvis veraciter illud
 Edicam, dictis non erit ulla fides;
 Nec si quid quæro, responso tangitis ullo,
 Omnia sed surdis auribus ista cano:
 Me tamen a dextris Jovæ spectabitis olim,
 Nubibus inque altis sede coruscus ero.
 Sub juga mortis eat, clamant, vincsumque Pilato
 Tradunt, qui Solymæ dux latialis erat.
 Hinc sceleratorum solers industria constat,
 Qui vigilans, studiis invigilantque suis;
 Consilia aurora prima sua callida fingunt,
 Et pingunt roseo sæpe colore strophas,
 Sed tu, qui Domini lectus vis servus haberi,
 Et debes animæ damna cavere ruæ,
 Cerneris ach! lento nimium torpore veterno
 Mundanis desces illecebrisque capi.*

Multi vix orto valde sectantur Eoo
 Sollicite grandes, qvas habet orbis, opes;
 Nec capit illorum placidus vigilantia somnus
 Lumina, nec potis exsaturantur aqvis,
 Contra aniuua est ignava et iners, lethargica, lenta,
 Mollis, et innumero crimine pressa jacet,
 Oeconomus moneo, qvcis curæ est vinea Christi,
 Ne desint sacri partibus officii:
 Mane preces fundant, meditentur dogmata mane
 Sancta Dei; fugiant turpia quæque sibi:
 Pervigilant hostes Domini, sapientia fraudes
 Consilia et texunt insidiosa piis:
 Hos vitare volens vigilans quocunqve dierum
 Mane sagax, vivi consule verba Dei.
 Insuper observa, qveritur quod Christus, atroces
 Judæos dictis credere nolle suis,
 Ad quæsitæ sibi nec respondere rogatos,
 Omnia ad hæc furdos obriguisse magis:
 At nunc quis credit, quamvis Deus intonet orbi,
 Echo perraro redditur apta Deo:
 Nec juvat antiqvis mundum mactare flagellis,
 Fulmina poenarum sunt metuenda malis.
 Est mihi, quod fateor, nimium conversio tarda,
 Est mihi, quam vellem, debiliorque fides,
 Attamen, o, Insu! sancti vneratio verbi,
 Sicut et est, semper sit mihi summa tui:
 Proderit et monitum, si nos mala scommata lingvæ
 Infestant, lædit sive proterva manus,
 Si nil jus valeat, nil excusatio, prompto
 Omnia ferre animo, Christus ut illa tulit.



Jam mihi succurrit processus forma diei
 Summi, cum surgunt, quos habet alma parens;
 Quæstio nulla malos responsaque nulla juvabunt,
 Nullus id excipiet defagietve forum.
 Nunc tua vox, Jesu! jucunda auditur, apertas
 Fac nostras aures, ut veneremur eam!
 Hic nostræ expectas accretæ tædia noxæ,
 Postea præfractos gratia nulla manet.
 O! Jesu, quando surgit lux ultima mundi,
 Sis iudex mitis, sis placidusque mihi!
 Sol quoties vitreis formosus prodit ab undis,
 Invoco te, laudis sum memor atque tuæ,
 Tuque mei meminisse velis quocunque dierum
 Mane novo, vitam dum trahit aura meam!
 Tandem securus damni coelestica tempe
 Fac, ad eam, votis annue gratus, amen!

PÆNITENTIA JUDÆ.

ELEGIA XVI.

*Infelix Judas dementi captus orexi,
 Isacidis Christum vendidit ære levi,
 Ter denos dederant, et ter nequissimus ille
 Accepit fidos proditor absque pari;
 Sed postquam Dominum damnatum viderat, illum
 Jam subeunt facti tædia sera sui;
 Ergo domus sacræ mystas a limine visit,
 Rettulit et fidos, quos prius inde tulit,
 Peccavi, dixit, prodendo in sanguine iusti,
 Respondere, sua tale referre nihil;*

Nec

*Nec mora, fatiferum sacra projecit in æde
 Argentum, factus littera longa perit.
 Consilium Patres ineunt, agroque relatum
 Venditur æs figulo, traditur emptus ager,
 Qui fato functis peregrinis cessit humanis,
 Semper et a fuso sanguine nomen habet.
 Exitus hic vide sit qualis fraudisque dolique,
 Nam socios Judæ par quoque poena manet,
 Et nunc intortum laqueum crocodilus averni
 Tendere scit falsis vulpibus ille suis:
 Auctorem proprium fallacia sæpe fefellit,
 Qui vitæ integris insidiarius erat:
 Pavit aves Judas pendens, Achitophel ut olim
 Impius optatam mortuus ante diem.
 Causa fuit Judæ lapsus primaria nummi
 Sacra fames, Dominum vendidit ære suum,
 Ditiore at factus, blandi solaminis expers,
 Abjecit tristis, quas prius emit, opes.
 Est scelerum radix auri furiosa cupido,
 Æricolæ nimii nil probitatis habent,
 Attalicas cumulant injusto sænore gazas,
 Damnaque dant animæ non reparanda suæ;
 Quorum nulla sitim lucri sedaverit unda,
 Namque augendarum vexat Erynnys opum;
 Sed rabida ingluvie quod nunc nimis hausit avarus,
 In stygiis inde est evomiturus aquis:
 Aut te divitiæ fugient, aut deseris illas,
 Ultima cum tibi lux irreditura venit.
 Sit tibi vilis opum cumulus, quas orbis adorat,
 Contentus paucis namque habet omne satis.*



Præmonuit Jesus Judam persepe, nec hilo
 Omnia perversus duxerat ista magis,
 Nunc frustra monitus, frustra solatia quærit,
 Quæ nocumenta ejus, dent documenta, velim.
 Sed quam perverse vitales duxerat auras
 Hic prius, in multis maximus error erat,
 Quod desperando contra spirabile Numen,
 Peccasse æterni creditur ille Dei.
 In Christo si vis decedere, vivito Christo,
 Et fac, sit Domini vox pretiosa tibi:
 Peccata ingenue contrito corde fatere,
 Proferat et fructus vita novata bonos;
 Denique vera fides tua complectatur Jesum,
 Qua te propitium credis habere Deum.
 Quando meos tandem fragiles mors occupat artus,
 Ne me destituat, quæ beat una fides!
 Quam nulla exstingvat mihi desperatio cæca,
 Illa locum veniæ quæ superesse negat!
 Sed me focillet, Jesu! tua numinis aura,
 Et tua cor mæstum verba sacrata meum!

AGER FIGULI EMITUR.

ELEGIA XVII.

*Fatales Judæ sictos (ceci diximus) una
 Presbyteris summis vendere cura fuit,
 Quæis et agrum figuli mercantur, ut advena quivis
 Hic possit tumuli gratis habere locum.*
 Hæc quid significant, jam dispiciamus, eorum
 Zacharias meminit namque Propheta pius:

Assimi-

Assimilatur enim figulo Deus omne gubernans,
 Amosidæ vatis cœv monimenta docent;
 Humanum ex limo formavit corpus in artus,
 Munda facit magni, sordida vasa premit.
 Est ager æterno Patri, cui gratia nomen;
 Semp̃er venalis prostat et ille viris:
 Em̃tor agri talis J̃esus fuit, illius autem
 Effusus pretium nobile sangvis erat.
 Gens fuimus peregrina, loco requictis egentes,
 Protopatris soboles, q̃votq̃vot in orbe sumus,
 Hujus enim lapsus coeli removebat ab aula
 Nos, ubi fiderea sede parata q̃vies,
 Hic ãnima est exul, donec versatur in ar̃cto
 Corpore, cujus eam vincla molesta tenent:
 Frigida mors tandem crudeliter extrahit illam,
 Carcere destructo, corpus inane putret:
 Hæc, si quid video, projecta cadaveris instar
 Est anima, auxilio, nempe q̃viete carens.
 Hoc ãnimæ damnum J̃esus lacrymabile vidit,
 Et statuit miseræ fata levare semel:
 Consensit Pater astripotens, illiq̃ve daturum
 Spondebat lætum se requietis agrum,
 Justitiæ rigor exacte stic̃teq̃ve poposcit
 Q̃vale suæ, pretio sufficiente dato:
 Protulit hoc lytrum vasto pretiosius orbe
 Christus, et hoc ejus passio tota docet;
 Sangvineæ roseo stillant de corpore guttæ,
 His ager em̃tus, et his gratia parta Dei.
 Quando meum corpus terræ mandabitur olim,
 Hæres est melior pars melioris agri,




Salva manu Domini namque hæc requiescit in alta,
Est igitur tuto mors obeunda mihi.
Emtus ager siclis peregrinis gratis humandis
Destinatus erat, quæ modo dicta fatis.
Hoc in agro tamen ampla dabatur humatio nulli,
Ni Hierosolimas vellet adire pius:
Hierusalem sancta est pugnans ecclesia Christi,
Intret, oportet, eam sit cui danda salus,
Hujus civis erit vere quicumque fidelis,
Et quem baptismi laverat unda sacri.
Jam metus omnis abest, ager est, qui gratia dictus,
Emtus, et hic requies emta salusque mihi.
Quomodocumque caro pereat post fucera, tuta est
In manibus, Jesu! mens animata tuis.
Summa fero gratus meritæ tibi munera laudis,
Rupta quod exilii sunt mala vincla mei;
Ipse tuum dederas agrum mihi cordis amantis,
Hic datus ergo meus sit tibi cordis ager!
Hoc unum supplex oro, compaginis hujus
Cum rumpet nexus mortis avara manus,
Hocce meum corpus digneris honore sepulcri,
Ut requies in agro sit mihi tuta tuo,
Et vita vacuum quando de morte reducis,
Granum triticeum fertile nosce tuum!
Fascicula quod, tu Jesu! dilecte tuorum,
Infere, ut æternum floreat illud, amen!

CHRISTUS ACCUSATUR CORAM
PILATO.

ELEGIA XVIII.

*Ductus erat noster Jesus, sicut ante relatum,
Vinctus ad Ausonii splendida testa ducis,
Judæo nulli placuit tamen illa subire,
Sordida ne sanctos ingvinet illa domus.
Personata fides spectanda hic sistitur, atque
Religio fuco contemnerata suo:
Lumina gentilis crimen duxere subire,
Ista Pharisaici signa tumoris erant;
Plectere at infontem nil criminis esse putarunt,
Mos avibus talis talibus esse solet.
Dedecus elatis miseris succurrere magnum
Creditur, et pietas officiosa viris;
Luxus at immodicus, ventosa superbia, et inde
Amphiteatralis pompa putata decus.
Egreditur prætor, vincti quæ crimina? quærens,
Quænam vinclosum causa pudenda reo?
Utere Pilato, docet is si recta, magistro,
Exempla at noli deteriora sequi:
Tu, qui nota sedens cognoscis crimina iudex,
Et cui sunt dubii credita jura fori;
Ne meruas fastum titulis fumantibus altum,
Sed placeat veri vis generosa tibi,
Et spernas blanda verba assentantia lingua,
Quæ se scit variis insinuare modis:
Grande supercilium, mens ambitiosa, tumensque
Pectus honorandos dedecet omne viros.*



Primates Jesum conficti criminis ergo

Triplicis insimulant, idque sequente modo:

Avertit populum, Christus vult rexque vocari,

Cæsaris et prohibet iusta tributa dari.

Accusatus eras delicti triplicis, et me,

O Jesu! triplex culpa gravabat atrox.

Sæpius averfa est Domino mea vita, videntes

Avertique alios; scandala quando dedi:

Avertit Jesus homines a morte nefanda,

Dæmone, peccatis, omnibus atque malis.

Æternæ grates, parendi prona voluntas,

Ille Deo cæsus persolvendus erat,

Hunc interverti ceu perfidus atque rebellis

Servus, et inde reo poena parata mihi;

Obsequiosus eras, sed, tu sanctissime Jesu!

Tu, date, jussisti, tuque tributa dabas,

Sæpe mihi fastus vanus fuit altior æquo.

Pensa mihi parvi plurima scita Dei,

Munus regale; et mundanos semper honores

Sprevisti, regnum non erat inde tuum;

Sed tua Majestas veniet sublimis olympo

Tandem præclaro conspicienda modo.

Hæc illata tibi spinosa calumnia, Jesu!

Deleat, obducat crimina quæque mea;


Et quando suprema dies illuxerit orbi,

Excuset meritum me simul omne tuum!

CONFESSIO CHRISTI CORAM PILATO.

ELEGIA XIX.

Quæ contra Christum Judæi dicta maligne
 Spargebant, nuper sunt medita mihi;
 Pilatus præses jam partes pensitat omnes,
 Anxias et dicti criminis omne caput:
 Primum Thariadum divinum tangere cultum
 Vidit, et hoc sicco præterit ille pede;
 Altera pars vetiti fuit insimulatio census,
 Novit et hanc veri prorsus habere nihil;
 Tertia sed visa est majore indagine digna,
 Suspectum regis nomen et ille timet,
 Suggestit hoc illi, quod prodidit auribus olim
 Romanis etiam garrula fama viris,
 Messiam quendam venturum ad regia sceptrâ,
 Si forte hic esset, nosse necesse putat:
Rex Judæorum vellet num magnus haberi;
Præsidis ad Jesum quæstio prima fuit,
Ista rogas a te, Christus responderat, ipso?
An quæsitâ alii dicta tulere tibi?
Num me Judæum credis, Dux Italus inquit?
Turbida te tua gens tradidit ipsa mihi;
Quidnam fecisti, quod tam communiter omni
Exosus populo cerneris esse tuo?
Mundanum, Jesus inquit, non est mihi regnum,
Subdita gens alias jam mihi ferret opem,
Præses, Rex tamen es? Christus, sum. Rex, ait, atque
Emissus veri testis ut esse velim;



Vera loquor, verique audit me verus amator,
Quid sibi vult verum tale, Pilatus ait?
 Hic regem Christum cognoscimus esse, sed illum
 Non tamen ex mundo, quæ bene verba notes:
 Est, Jesu! tua Majestas æterna, datore
 Teque potestatem, quam gerit, omnis habet,
 Tu quia divitias, tu regna, palatia, honores
 Das, confers, tribuis, credita sive locas:
 Per te defendunt reges sibi subdita regna,
 Contra Erechi vires vis tamen illa jacet:
 Stans acie, pugnans, vincens de morte triumphos
 Egisti celebres, orcicolaque lupo,
 Et de peccato, stygio de mortis averno,
 Servato populo, rex bone Christe! tuo;
 Spirituale tuum moderante celestinate verbi
 Dirigis imperium, sceptris tenente manu;
 Hæc tua terribiles confundere fortiter hostes
 Sceptris valent, missis sub juga panda malis,
 Sed quia spirituale tuum, non unius assis
 Præpollens regnum mundus habere sciit,
 Namque suos tumidos fastus non repperit illic,
 Inter dissimiles omnia friget amor.
 Ergo nihil miror mihi quod tam paucula mundi
 Dentur amicitiae candida signa ratae,
 Hic namque exul ago, peregrino versor in orbe,
 Hic meditor patriam, quæ repetenda, meam,
 Veracis Christi servat veracia verba,
 Qui dici merito subditus ejus amat:
 Si cupias tanti cognoscere dogmata regis,
 Esto Sacerdotum vox pia norma tibi;

Qvippe horum vox est, vox Christi, teque per illos
 Voce vocat certa, voce sonante Deus.
 Est et, quod moneam, venturum tempus amicum,
 Quando dabit claros buccina fera sonos,
 Tum quisquis quærendus erit, quæ fecerit, aut cur
 Fecerit hæc, aut quo fecerit illa modo;
 Quilibet hic igitur quærat se vespere quovis,
 Præterita quænam fecerit ille die;
 Quæsitæ agnoscat, bene cognita defleat, atque
 Defleta emendet justificante fide:
 O! Jesu, fateor, male, proh dolor! omnia feci,
 Omnia præstiteras sed facienda mihi,
 Omnia sunt oblita Deo mea crimina, et omnis
 Serviat omnimodo sic mea vita tibi!

ITERATA ACCUSATIO JUDÆORUM.

ELEGIA XX.

Jam mortis Christi causam pensaverat anceps
 Pilatus, plane nescius et quid agat.
 Magnificum nihil hoc putat aut regale, quod ille
 De vero saltem paucula dicta daret;
 Quod mundo verum voluit coluisse videri,
 Quod verum summo riserat ille Deo;
 Omnia verà quidem nobis veneranda putemus,
 Sed palmam Domini verba verenda ferant.
Judæis posthæc testatur voce rotunda,
Crimine in hoc læso criminis esse nihil;
Astiores causæ tanto furiosius instant,
Oreque sacrilego plura aconita vomunt;




*Hic, ajunt, populum commovit, et a Galilææ
Finibus huc veniens dogmata prava docet:
Cognoscens Prætor quod gente sit ortus ab illa,
Herodes ubi rex publica jura dabat,
Mittit ad hunc Jesum, pendens quo Judice causa
Acta sit, ad finem lisque peracta suum.
Sentio nunc, Jesu! lætos sub pectore motus,
Tu quia Pilato Judice justus eras,
Crimine fædatus fueram, tu criminis experts,
Quæ tua sunt, mea sunt, justus et inde vocor;
Quando lex merito mihi pessima quæque minatur
Sic frangis missas legis ab ore minas,
Ille vacat culpa, culpa namque ipse vacabam,
Integer et justus qui sine labe fui,
Justitiam pater hanc totam meus imputat illi,
Hinc justus merito dicitur ille meo.
Sermones vanos varias nugasque loquaces
Nosco meas poenam commeruisse gravem.
Hæc tua præstabant taciturna silentia, Jesu!
Quæque mihi pariter sint facienda, docent:
Sic discam, patiens digito compescere labrum,
Quando lingua probris me violenta petit:
Sed regi voluit fallax imponere Prætor.
Atque dolos vafros credidit esse ratos,
Ingenium patet hic, hæc est solertia mundi,
Fraudibus incautos ludere velle suis;
In mundo discas igitur procedere caute,
Qui male compositos versat agitque dolos.
O! Jesu, requietis erit mihi causa perennis,
Hæc via tam tristis, tamque molesta tibi,*

Officii quandoque mei si pondera vexant,
 Aut quid me maneat forte doloris iter,
 In laudes quodcumque tuas, quantumque paratus
 Semper ero gratus ferre laboris onus.

NASUTÆ HERODIS QVÆSTIONES.

ELEGIA XXI.

*Adductum Jesum cernens Herodia vulpes,
 In tacito fovit gaudia magna sinu:
 Plurima de Christo perceperat auribus, atque
 Multa rogat; Jesus omnia ad illa filet.
 Sunt, quibus ingenium simile est Herodis, eisque
 Sunt jocus et lusus verba tremenda Dei;
 Rimari cupiunt fidei Mysteria sacra,
 Hicque sibi sapiunt, desipiuntque Deo:
 Ingenii quando nimium sublimia pennis
 Forte petunt, ludunt, præcipientesque cadunt:
 Non ludit Dominus pravis mala multa minando,
 Nec cum blanditiis utitur ille suis,
 Sed neque tu ludens unquam versaveris istud
 Nobile depositum, dogmata fæta Deo;
 Sobrius hæc tractes, doceas, et in omnibus illis
 Esto procul longe fæda cavilla procul.
 Te tua vox, Jēsu! quando mihi calica pròdit,
 Exundant mentis gaudia certa meæ,
 Cum celebrosæ sacra convivia mystica canæ,
 Te veræ fidei lumen utrumque videt.
 Herodis fuit hæc carnalis vana cupido,
 Et nova nescendi non bene sana fames;*



Sed mea te, Jesu! suspiria fervida mittens,
 Intima vis animæ, Christe! videre cupit:
 Felix illa dies! potero quæ cernere tandem
 Te, mea lux! quando hæc tempora læta dabis,
 Insuper illa docent taciturna silentia Christi,
 Sancta cani spurco non decuisse dari;
 Gratia namque Dei tumidæ fastigia mentis
 Non scandit, fluit in corda modesta magis.
Herodis molli Christus contentus ab aula
Indutusque alba veste remissus erat,
Sic inter Regem junctus clarumque Toparcham
Qui fuerunt hostes est facialis amor.
 Candidus iste color probrosæ vestis, Jesu!
 Laudibus inservit tempus in omne tuis:
 Coclorum cives visi sunt vestibulis albis
 Hujus Mnemosynon concelebrare rei,
 Nam sic vestitas volucres sine corpore flammæ
 Spectandas sese sæpe dedere viris.
 Indue me nitidam, Jesu sanctissime! vestem
 Justitiæ, mea quæ gloria summa, tuæ:
 Et mea duritiem, facias, solidumque rigorem
 Exuat impatiens et violenta caro.
 Hostibus est magnis concordia nata duobus,
 Inter eos quando flebile carpis iter,
 Sed tua, mi Jesu! plus intercessio præstat,
 Dum me concilias, qui regit astra, Patri;
 Es mediator, enim mi clemens inter et illum
 Quotidianus, et hinc pax mihi certa venit.
 Nunc ubicunque gravis surgit discordia, contra
 Velle Dei, vivit græx ubi, Christe! tuus,

Intercede tuo pacis spiramine sancto,
 Ut fidei socios jungat honestus amor!

JUDÆI CLAMANT: CRUCIFIGE!

ELEGIA XXII.

*Ludicra Jēsu redeunte Herodis ab aula,
 Nulla ubi iustitia et nil pietatis erat,
 Clamat Pilatus, regem testatur et una,
 Hunc accusatum labe carere virum.*
 Et Dominus causam novit dignoscere justam,
 Et nutu linguam cor hominisque regit:
 Esto probus, quoniam tandem bona causa triumphat,
 Non etenim semper, quæ bene facta, latent.
*Namque suo populus solito pro more petebat,
 Ut cuidam victo sit data vita reo,
 Sic libertatis memores voluere videri
 Ex Pelusiaci carcere vique ducis,*
 Ne te seducant veteres usque recepti
 Mores, mandato qui caruerit Dei,
 Nam speciosa parum prodest intentio facti,
 Ni fuerint iusto facta probata Deo.
*Prætor ait populo, sit nunc electio vestra,
 Namque duos statuo, liber ut alter eat,
 Optate aut Christum, mox aut optate Barabbam:
 Servari Jēsum sic quia posse putat.*
 Humanis ubi consiliis non annuit, atque
 Aspirat, rutili qui regit astra poli,
 Omnia sponte ruunt, retro sublapso referri
 Omnia cernuntur, perdita facta viri,



Est etenim fragilis fallax sapientia carnis,
 Qvod ducis Aufonii, cæpta sinistra probant,
Primores populi mortem deposcere Christi
Cæpere, et suadent, plebs petat omnis idem.
 Omnibus exemplis hominum complaudere noli,
 Qvorum vis ingens est in utramque vicem,
 Nam non laudandum est, quicquid laudabile dicunt,
 Si cæcus cæcum ducit, uterque cadit:
 Si quis adhortatur, facias, quæ facta pudebit,
 Hunc tu mordaci vel magis angve fuge;
 Qvam male prospicies, Domini si gratia quando
 Venditur æterni vilis amore viri:
 Sic auscultando fortasse peribitis ambo,
 Tuque malusque tuus svasor uterque reus:
 Quid juvat in præsens aura gaudere malorum,
 Si tua cum pravis naufraga puppis erit.
 Quid faciant, passim plebecula subdita curat,
 Qui metuenda tenent sceptrâ jubente Deo,
 Qvicquid agunt isti, licitum sibi credit et illa,
 Hinc præstare aliis hos pietate decet.
 Scandala sunt lapidi vere assimilata molari,
 Quæ figens collo pronus ad ima ruct,
 Hoc cacoethes enim per venas spargitur omnes,
 Sed cui vipereum tinctile virus inest;
 Exemplum multis esto laudabile morum,
 Et cele amore pios, et pietate Deum.
 Uxor Pilati bene svaserat, omnibus illa
 Semper matronis est imitanda bonis;
 Abigaelis erit clarum memorabile nomen,
 Jezabelis contra sordet ubique decus.

Nunc mea vis animi, Jesu! convertitur ad te,
 Audio nunc omnes ingeminare palam,
 Atque tuam mira rabie deponere mortem,
 Sed tibi nullus ad hæc excidit ore sonus:
 Quando fator mortis, lex lethifera, et mea quæque
 Crimina conclamant, suppliciumque petunt,
 Tu mihi caufidicus, Jesu! tu petra salutis,
 Tu libertaris causa caputque meæ:
 Fulmina Judicii summi, torquentis averni
 Vel gemitus, stygii mæsta querela rogi,
 Nunquam me ferient, clamor quia percutit aures
 Stentoreus quondam mortifer ille tuas:
 Jam me certa manent, clamantibus omnibus una
 Gratia, pax animæ, gloria, vita, salus:
 Orantis clamor, quæque et suspiria mentis
 Coclesti posthac sunt mea grata Patri:
 Jam chorus angelicus, jamque hæc ecclesia laudes,
 Atque triumphatrix clamat ubique tuas;
 O! Jesu, clamant Hosanna, juba grates,
 Quævis mea devorum mens simul addit amen.

CHRISTUS VIRGIS CÆDITUR.

ELEGIA XXIII.

Nudatum polo Jesum mavortia turba
Alligat, immodicis exagitatque flagris.
 A capite ad calcem plenum vibicibus ejus
 Innumero fædum vulnere corpus erat;
 Ut nubes ruptæ cernuntur spargere lymphas,
 Quando ruit pluviæ labilis humor aquæ,



Sic omnes Jesu venæ fudere liqorem
Sanguineum, tumuit livida tota caro.
Vinctum me tenuit tenebrosum carceris antrum,
Saucia mens gemuit crimine pressa suo,
Ista lues se per venas diffuderat omnes,
In me nil sanum, nil nisi vulnus erat;
Mortiferæ legis securicis laniabar acerbis,
Æternæ afflixit dira sagitta necis;
Lethali morbo gemuit pars intima cordis,
Nulla dari poterat certa medela mei;
Talia vidisti, Jesu! mea vulnera cruda,
Vivacisque animæ tristitia flagra meæ;
Et pro me misero contorta flagella subibas,
Inde est flagrorum poena remissa mihi:
Te mea morborum moles tristissima pressit,
Est langvore tuo sic mihi parta salus,
Et tua discrucians hausit præcordia mæror,
Qui mihi detraxit corde doloris onus;
Quæque tua est vibex præsens sanatio nostra,
Talia erant morbis pharmaca tuta meis,
Commeditans tua flagra meum cor palpitat, horum
Nam tibi flagrorum proxima causa fui.
Servus eram, pudet heu! alieno merfus in ære,
Sed tu solvisti nomina cuncta rei:
Nunc tibi procumbens supplex, placidissime Jesu!
Ora per hoc nomen, commiserescere mei!
Quod superest animæ svavi solamine pastus,
Te venerabundus tempus in omne colam.
Plaudat nunc animus mundatus sanguine Christi,
Jam quia solliciti causa doloris abest,


Gratia nunc iræ successit maxima, luerum
 Damnus, opprobrio gloria, vita neci.
 Si Deus ulceribus carnem lacerantibus ægram,
 Et velit, et jubeat corpora nostra premi,
 Vincere cordata fas est pietate dolorem,
 Est animus patiens hostia grata Deo;
 Namque redemptori quæ forma simillima nostro,
 Non poterit dici, non speciosa mihi;
 Non decet, ut seruo saliant præcordia risu,
 Quando premit Dominum fors inimica bonum,
 Effigies Jesu patientis gloria nostra est,
 Hoc utinam moneat me nova quæque Dies!

DE PURPUREA VESTE ET SPINEA CORONA.

ELEGIA XXIV.

Induxit posthæc Jesum Prætoris in ædem
Miles, et huc plebem convocat ille levem,
Purpureæ vestis, qui scrutis vilibus illum
Induit, exultum vestibus ante suis.
 Quæ data justitiæ quondam mihi fulgida vestis,
 Amissa est, subito perdita prorsus erat;
 Adam primus homo talis mihi causa malignæ
 Sortis erat lapsu præcipitante suo:
 Indueram contra detritam crimine vestem,
 Quæ nimium vario picta pudore fuit,
 Sustulit hanc Jesus, patitur dum nudus, et omnem
 Justitiæ cultum reddidit ipse suæ;

Suffu-



Suffugium nunc est ejus sub murice nostrum,
 Sic lateo, mea sic crimina cuncta rego.
Spinea ad hæc Christi frontem pungente corona
Cinxit, carnificum sanguinolenta manus.
 Hujus aculeoli carnem velut ignis adurunt,
 Puniceo facies sanguine sancta mader;
 Propter Adam lapsum tellus anathemate tacta
 Dicitur, et spinas illa tulisse feras:
 Istud vulnificum sertum laceravit ad ossa,
 Semper adorandum quod sine fraude caput;
 Per Jesum passum venit benedictio terræ,
 Nunc iterum fructus germinat illa bonos,
 Uberrim largo saturans animalia pastu,
 Laudet eum, tellus herbida quicquid alit,
 Expectanda mihi fuerat maledictio legis,
 Hanc subiit Jesus; inde beatus ago,
 Gratia in hac vita summæ, sed gloriæ in illa
 Quæ sequitur, sic est danda corona mihi.
Nunc et arundineum ludicramente bacillum
Fadato spinis impia turba dedit,
Curvatis genibus Regem simul illa salutat,
Seeptrigerum variis ludit et illa jocis;
Inde caput baculo feriunt, sputisque pudendis
Conspurcant faciem, quæ veneranda fuit:
 Quando sancta subis Domini penetralia templi,
 Esque piis precibus demeriturus eum,
 Sic cave ludifices Christum curvamine flexi
 Corporis, insigni quod pietate caret,
 Et carnis cordisque genu curvabis adorans,
 Ne disconvenient lingua animusque tibi:

Hic tremebundus item meditor, quæ, quanta fuissent
 Tempus in æternum perpetiunda mihi,
 Ni, bone Salvator! duris lacerate flagellis
 Me subduxisses, quæ metuenda, flagris.
 Hinc mihi dum calidæ saliunt in corpore venæ,
 Te venerabundus pectore et ore colam;
 Affer opem, præsta auxilium, mihi suffice vires,
 Dextramque infirmo porrige gratus amen!

CHRISTUS EDUCITUR EX PRÆTORIO.

ELEGIA XXV.

*Educens Prætor Jesum compellat Æronis
 Progeniem, miserum, dixit, et ecce virum!
 Quem modo cernentes spinas vestemque gerentem
 Purpuream, pleno gutture verba sonant,
 Ocyus hunc massa, crucifixum tolle nocentem.
 Non aliter sua gens commiseratur eum,
 Nil jam verba valent, nil excusatio justa,
 Sed mentem stimulans obtinet ira malam;
 Hinc animus cæcus, cor hinc occalluit ardens,
 Adjiciunt tandem verba datura fidem.
 Divinam legem talem damnare, quod ipse
 Dixisset Jova se genitore satum.
 Impia gens legem scriptam detorserat istam,
 Taliter injusti vincere velle solent:
 Non satis est dixisse, magis decet esse probata,
 Judicis assensum quæ meruere boni.
 Est Dominus justus Judex, quare illius omnis
 Surgat in exemplum judicis arma gerens,*




Ne quem seducant aut fefqvipedalia verba,
Aut rabulæ tricis jurgia mixta malis.
Passio quando meas, Jesu! tua fertur ad aures,
Omnia terribilis percutit ossa pavor,
Nam quæ passus eras tristissima spicula mortis,
Æternum fuerant cuncta ferenda mihi,
Sed quando meditor justum te hæc omnia passum,
Et quare hæc passum, diffugit ille pavor;
Exitus hic Christi nobis memorabilis esto,
Ut fructus dulcis pullulet inde magis;
Cerne, quid extulerat, spinas ostrumque cruentum,
Sanguineum corpus vulneribusque tumens:
Sanguine sædatis, anathemate legis amaræ,
Constrictis nobis triste patebat iter,
Triste patebat iter contemptis atque repulsis
A facie Domini tartara ad ima reis:
O! crimen, crimen, quot pro te Christus acerba,
Quantum supplicium, qualia damna tulit?
Nempe tui fructus erat hæc uberrima messis,
Hiqve tui flores, hæc tua poena fuit,
Occæcara caro non novit te mea quando
Decepta est technis, illecebrisque tuis.
Exitus at Jesu fuit hic e præsidis aula,
Introitus meus ad regna beata Dei;
Illius egredior semper subsidere fausto,
Ista sub astrigeri culmina celsa poli,
Elatumque dabit placide requiescere tandem
Corpus, quando animam lux habet alta meam:
Inde corona mihi dabitur regalis honoris,
Et data justitiæ splendida vestis erit;

Meqve

Meque resurgentem coelestis & aliger ordo
 Ducet in æternæ gaudia firma domus:
 Tum dicet præco divinus voce sonora:
 Ecce virum cui fors sæpe noverca fuit,
 Sæpius hunc olim sævas subiisse procellas
 Vidimus, & madidas imbre rigasse genas;
 Nunc debellavit, virtute & sanguinis agni
 Victor ovans, brabeum, nam jacet hostis, habet:
 Jubila tunc anima ac Epinicia svavia victrix
 Hæc mea perpetuo læta tenore canet,
 Qvod, te dante, tuo cessit victoria servo,
 Buccina & inflanda est omnibus ista piis.
 Sane equidem patris, Jesu sanctissime! summi
 Filius es, lapsis anchora sacra viris,
 Nam quæ nactus eras patrimonia ut unicuique hæres
 Scribis adoptivis fratribus illa tuis;
 Æqualis Patri, nobisque simillimus idem,
 Idem verus homo, verus & ipse Deus;
 Ergo quia Deus es, quia vir sanctissimus una,
 In gement laudes cuncta creata tuas!

COLLOQVIUM PILATI CUM CHRISTO.
 ELEGIA XXVI.

*Nuper fassus erat Christus sermone rotundo,
 Omnia prognatum se moderante Deo;
 Ergo Pilati trepidat formidine pectus,
 Et Jesum pavitans, unde sit ille, rogat;
 Christus adhuc tacuit; Præter urgebat at illum,
 Dicens tunc mihi vis bona verba loqui?*



*An nescis, mihi sit quod deveneranda potestas,
 Mittere te, veluti pleclere morte queam?*
Respondit Jესus, in me tibi nulla potestas
Esset, ni fuerit facta superne tibi;
Ergo magis peccat, qui me tibi tradidit; inde
Liberet ut Jესum plurima Prætor agit.
Judæi reboant: certa est si mittitur isle,
Cæsaris Aufonii gratia nulla tibi;
Regnare, ut nosti, solus vult, quilibet ergo
Se Regem faciens est inimicus ei.
 Credebant quondam mersæ in caligine gentes,
 Idola Semideum progenerare genus,
 Ergo censebat, Divorum forte propago
 Hic si sit, cautè jura gerenda sibi.
 Larvatos olim gentes coluere Deastros,
 Et tenuit vanus pectora cæca metus;
 Sed quanto magis astripotens Deus omnibus ipse,
 Qui reprimat tumidos, permetuendus erit.
 Præsidis inflavit sua magna potentia mentem,
 Crederet ut quævis impia justa sibi:
 Forsitan & capiat fallax sententia multos,
 Quos ornant fasces, imperiiqve decus,
 Quamvis depravent torquendo oracula legis,
 Ut quæ collibeat, cuncta licere putent.
 Sublimes Pater æthereus concedit honores,
 Custodes Themidos, quod meminisse juvat;
 Omnibus ille suum munus concredidit, ergo
 Pro merito cuique est justus habendus honor,
 Sed caveant illi tumidas attollere cristas,
 Atqve superbifico celsius ire gradu:

Sit procul injustæ studium damnabile partis,
 Et procul hinc odii pernicioſa ſeges :
 Ipſe magiſtratum ſtatuit Deus, hunc & honoret
 Subdita gens, gladium nam gerit ille Dei;
 Morigeri placide vivunt, tutiqve quieſcunt,
 Supplicium contra grande rebellis habet;
 Sicut deliquit quisqvis, punitur & ille,
 Ultio peccato poſcitur æqua ſuo:
 Verbera præſaſto non ceſſant triſtia ſervo,
 Qvi ſpernit Domini cognita juſſa boni.
 Conſervet Deus hic, flores quos orbis & urbis
 Conſtituit, ne qua hos devius error agat,
 Sed partæ exornent vigiles inſignia Spartæ,
 Quorum dicta pie dicta puranda Dei :
 Sic nos ſancta fides ornet moresqve probati,
 Dum rutilos, Titan axe retorquet egvos.

PILATUS VERBA FACIT CUM JUDÆIS
 ELEGIA XXVII.

*Audierat Præſes minitantes Cæſaris iram
 Judæos, Jeſum duxerat atqve foras,
 Proque tribunali reſidens adſtantibus inquit,
 Hic veſter Rex eſt; hunc crucifige ſonant;
 An Regi veſtro faciam ſic, ludicer inquit?
 Rex, ajunt, nobis non niſi cæſar erit;
 Hæc ubi facta, locus fuit olim Gabbata dictus,
 Morti devotus Rex ubi noſter erat.
 Ach! væ Judicibus, quibus eſt bene cognita cauſa,
 Sed Studio partis vendere jura ſolent:*



Iram pertimuit Pilatus Cæsaris, atqvi
 Vitanti Scyllam certa Charybdis erat.
 O! vae Judicibus, quibus est pervertere leges
 Ludus, & a vero quos sua lucra trahunt;
 Prostituunt Dominum, deque his proverbialia dicunt,
 Quod gestent clauso semper in ore bovem.
 Nunc Jesu! mea mens & lingua revertitur ad te,
 Pilatus Regem, gens tua, tolle, crepat:
 O! Jesu Rex es, Regum ter maximus, es Rex
 Noster, & Angelici Rex super astra chori;
 Attamen hic victus stabas, mirabile dictu,
 Hic destinatus supplicioque crucis,
 Extremæ quando præfulserit aura dici,
 Spectandus venies regia sceptrata tenens,
 Judice quo justus censebor, cumque beatis
 Et summo tecum Rege beatus ero.
 Dico mecum Regem te, Jesu! dicere servum
 Meque velis, mihi quod gloria summa, tuum.
 Sæpe dedit damnum via lubrica Gabbata mundi,
 Huc ductus mihi das inde referre pedem.
 Te, Jesu! Regem tua sancta Ecclesia summum
 Eligit, electa est quæ tamen ipsa prius,
 Hanc beer electam pax præstantissima rerum,
 Possit ut æterna pace beata frui.

PILATUS MANUS LAVAT.

ELEGIA XXVIII.

*Pilatus cernens sua jam conamina frustra,
 Et quod seditio certa parata foret,*

Consensit

*Consensit tandem populi dementibus ausis,
 Judicat & tanquam gens recutita petit;
 Abluit inde manus lymphâ, lymphatus & inquit,
 Culpa est in justî sanguine nulla mihi;
 In nos & nostro prognatos sanguine, dicunt,
 Sanguinis effusi culpa redundet ea.*
 Criminis in Christo nil invenit impius ille
 Prætor, & infontem sæpe faterur eum;
 Attamen hic contra dictamen mentis iniquæ
 Criminis expertem judicat esse reum;
 Exempla O! utinam fordescant talia nostris
 Judiciis clavis, Principibusque viris.
 Oderunt multi, culpant & obicilla Pilatum,
 Ejus at exscribunt impia facta tamen;
 Magnatum fervetque metus, frigetque salubris
 Zelus, & hinc exlex gens scelerata ruit:
 Aurea spes lucri, spirabilis aura favoris.
 Facta palam, quamvis non benefacta, tegit;
 His vana ambitio nequam tuitura Barabbam
 Additur, & forsan munera grata juvant;
 Jam venit in partes, quam sustulit improbus Achan;
 Et statuit pretium Chrysea lingua suum.
 Unde scelus varium longo quod tempore gliscit?
 Cura levis visa est maxima causa mihi,
 Jam propria utilitas sedem tenet una secundam,
 Parcere furciferis lausque putata malis,
 Pallentesque metus, ausint ne emergere leges
 Qui faciunt, agmen ducere forte queunt.
 Se coram populo Pilatus laverat, & sic
 Se lautum Domino credidit esse miser,



Stultitiam fugiant insignem Præsidis illam,
 In quorum corde est condita mica salis:
 Te mundare volens, præcordia & omnia munda
 Mentis opaca tuæ, sic bene mundus eris;
 Hæc ut mudentur, lacrymarum labilis unda
 Cum rubeo Christi sanguine mixta juvat;
 Crimina desltero, meritis innitere Jesu,
 Denique conversus ficta lavacra fuge.
 Se super atque suos vindictam sanguinis ærem
 Venturam gnatos gens male sana petit;
 Sic dictum factum, namque hæc concepta videmus
 Tempus ad hoc miseris vota nocere viris:
 Si quando præceps irarum fluctuat æstus,
 In verbis cautum te decet esse tuis,
 Sæpe & enim multis diræ nocuere nefandæ,
 Exemplis poterint ista probata dari.
 Judicis o! Jesu, voto damnatus iniquo
 Qui fueras, judex amodo summus eris;
 Judiciis fer opem, studeant ut dicere jura,
 Ceu mandant verbi jura verenda tui,
 Abluæ nostra simul male sordida corda manusque,
 Intemerata fides pectora munda tegat:
 Nosque tuus sanguis ex toto corpore fusus,
 Et sobolem nostram semper ubique juvet.

LIBERATIO BARABBÆ.

ELEGIA XXIX.

*Tradidit in mortem Præces injustus Iesum,
 Cædis Et est jussus liber abire reus;*

Carcere

Carcere clausus erat, quem diximus ante Barabbas

Et cui culpa gravis morte luenda fuit.

Significat patriam prolem memorabile nomen ;

Protopatremque ejus progeniemque notat;

Peccando lapsus Domino factusque rebellis ;

Omne neci dederat seqve suumque genus ;

Carcere constrictus Stygio, moriturus in ævum,

Illius & soboles deperitura fuit :

Damnato Jesu, sed nunc datur omnibus illis

Augustum vitæ liberioris iter.

Quando quidem primi proles sum certa parentis,

Certa salus etiam provenit inde mihi.

Multa Deus mandata mihi dedit æqua benignus,

Mandatis autem sæpe rebellis eram,

Forte reus cædis, quoniam deterrima quæque,

Qveis alios læsi, scandala sæpe dedi ;

Teste Deo fontem pressit me infamia duplex,

Et merui clausus carcere vincla pati.

Captivum legis terror maculavit acerbæ,

Formido mortis judicii que Dei ;

Audio nunc famæ mulcentis gaudia lætus,

O! Jesu, poenam te subiisse meam,

Te condemnatum, te vinctum, teque necatum,

Aurea libertas ut mea vincla levet :

Quando tuis verbis absolvor crimine ab omni,


Illico me fortis spes melioris habet,

strictorum fœdus vinclorum, rumpitur ordo,

Claustra relaxantur carceris atque mei :

In te damnatum est, in me damnabile quidvis,

Possit ut, O! Jesu, nil mihi damna dare ;




In me igitur quicquid fuerit venerabile nomen
 Elogio merito tollat ad astra tuum:
 Denique coelesti festo Paschatis in amplo,
 Svave tibi lætus laudis agalma feram:
 Sic patris soboles quævis sic nempe Barabbas,
 Christel tuum meritum buccinet omnis, amen.

CHRISTUS CRUCEM BAJULAT. ELEGIA XXX.

*Purpurea Jesum tunicâ Mavortia turba:
 Exuerat, vestes indueratque suas;
 Iamque crucis lacerum vexant gestamine corpus
 Carnifices, Domini languida membra tremunt;
 Inde recrudescunt ferventia vulnera Christi,
 Per pia, sanguineus ros sua membra fluit:
 Tum Simon quidam peregrinus forte viator
 Occurrit, nolens idque subibat onus.
 Qvi contra mentis dictamen crimina patrant,
 Qva possunt, Christi vulnera cruda novant,
 Ni tempestive morum tædere priorum
 Conversi satagant, defugiantque scelus.
 O! quam mens hominum fuit ingratiſſima, quorum
 Morborum Christus sæpe levabat onus,
 Nunc apud haud quenquam veteris stat gratia facti,
 Qvi crucis hoc fello grande levaret onus.
 Simonis sobolisque ejus fit mentio, namque
 Pro merito laus est non peritura piis;
 Et memori servatque suos prolemque suorum
 Mente Deus, referens, quæ benefacta fuis.*

Obviat hic Christo vir quis peregrinus, & illi
 Contigerat Domini subdere colla cruci.
 Hoc certe fuerat nobis memorabile signum,
 Judæis spreta est gentibus orta salus.
 Sæpe mea admissæ refriquantur vulnera culpæ,
 Est mihi, quod sanet morbida membra, nihil,
 Vulnera vulneribus lethalia lethiferis sunt,
 Sed tua, mi Jesu! sola medela meis.
 Ligna ferens Isach faciens iter atque molestum,
 Ligniferi fuerat, Christe! figura tui.
 Sed neque dissimilis crucis ardua & aspera multis
 Te moderante, pius est incunda via:
 Quando me afficiunt subnubila fata dolore
 Sub cruce lapsanti, fortis adesto mihi;
 In cruce tollendâ sequar ut tua tristia visu
 Signa pedum, tarda est difficilisque caro;
 Velle quidem superest, sed claudicat ægra voluntas,
 Qui dederas velle, & da mihi posse sequi:
 Tu semper miseros, Jesu! miseraris amicos,
 Sic mihi perspecta est gratia amorque tuus,
 Nominis ergo mei, Pater O! Pater alme! memento,
 Me quando miserum crux lacrymosa premit.
 Sed tu, qui crucifer Christi vestigia adire
 Cogaris, hæc fida mente monendus eras;
 Quando jugum crucis es subiturus triste, caroque
 Murmurat, advertas, quo duce carpis iter;
 Nempe sit illa crucem Jesu gestantis imago
 Assidue ante oculos sanguine sparsa tuos:
 Crede mihi, levior magis & tolerabilis illa est
 Dura crucis moles inde futura tibi:



Succollare crucem nunquam videre malorum,
 Noscitur ex socio nam bene quisque suo;
 Vive modum servans, retinens quæque optima vive,
 Fac bona, & ut bona sint, fac simul illa bene.
 O! Jesu fer opem, mortis minuendo labores,
 Atque mei facias lene doloris onus,
 Pignora tuque Deus, Deus optime! protege nostra,
 Discremen fac ab his crimen & esse procul;
 Sicque favore tuo mecum complectere, eorum
 Ut sint in vitæ nomina scripta libro.

ORATIO CHRISTI AD MULIERES. ELEGIA XXXI.

*Eduſſum Jeſum ſequitur lacrymoſa caterva,
 Famineumque genus ſletibus ora rigans;
 Verſus ad hæc Dominus, ne vos me plangite, dixit,
 Quæ colitis Solymæ teſta ſuperba feræ;
 Sed vos & veſtros gnatos deſtete tenellos,
 Quos nunc incautos tempora mæſta manent;
 Tum felix ſterilis, felix dicetur atechnos,
 Optabuntque ſuper ſe juga celſa cadant,
 Arbor nam viridis ſi ſic tractatur inique,
 Quam ferient iſtus arida ligna graves.
 O! vos mundani, quam vani ſitis honores,
 Exemplum præſens flebile rite probat:
 In feſto cui ſparſa dabant Ramalia nomen,
 Intravit Solymas filius ipſe Dei,
 Tum venerabundi Jeſu venientis amici,
 Excipiunt Dominum plebs meliorque ſuum,*

Idem

Idem post paulo crucifer compulsus ab urbe,
 Cemitur electis flentibus ille suis:
 Si mundus Domino fuerat malefidus amico,
 Qvam bellè seruo fidus amicus erit:
 Blanditiis ejus comes est mens subliter felle,
 Talis amicitiae sprete sit umbra tibi.
 Me decet o! Jesu! gemitus ex pectore maesto
 Ducere; quod decuit te mala tanta pati;
 Sed noster planctus tibi prorsus inutilis ille est,
 Qui suminus regnans jam super astra sedes;
 Sed decet ex tristi suspiria pectore fundi,
 Quod tibi funesti causa doloris eram:
 Crimina nostra tibi grandes peperere labores:
 Debebam, sed tu debita cuncta luis:
 Servatam meruo summi mihi numinis iram,
 Qui merui culpam pendere morte meam;
 At me solantur meritorum, Christe! tuorum
 Fructus, unde mihi vita salusque fluunt.
 Ergo dolor, fletus, gemitus queribundus & angor
 Cessarunt, plausus subsequiturque meus;
 Omnia nam mea sunt peccata obducta litura,
 Omnia lethæis mersa teguntur aquis;
 Ergo precor, facias, ne post mea funera quisquam,
 Quæ male commisi, crimina tetra luat.

DE ARBORE VIRIDI ET ARIDA. ELEGIA XXXII.

Commemorata prius viridis fuit arida & arbor,
 Hæc quid significant, discere verba juvat:

Arbor



Arbor erat viridis frondentibus obsita ramis,
Indutus carnem Christus in orbe manens;
Protulit hic sèves fructus, morbosque fugavit,
Et vicit Stygii fumida regna Jovis:
Auditum surdis dederat, cæcisque videre,
Perque illum mortis lex resoluta fuit:
Ex hac mellisui stillabant stirpe racemi,
Solamen mæstis omnibus omne tulit;
Arbor grata Deo, gratissima terræ & olympo,
Quod bene testatum res manifesta dedit,
Tempore quo Christus Bethlemi nascitur, atque
Baptismi quando fonte rigatus erat,
Semina justitiæ spargens ad tempora mortis,
Morigerus patri fons erat ipse boni:
Attamen hæc arbor irarum turbine magni
Immodico visa est exagitata Dei.
Cur ergo voluit spatiosi conditor orbis
Dilectum gnatum talia ferre suum?
Arida ligna scias hominum genus omne fuisse?
Exsuccum, fructus omne tulisse malos;
Damnosam quercum jussit radicitus stillam
Exscindi Dominus, ne magis obsit agro:
Intercedentem pro nobis solvere patri
Debita tunc Jesum nostra necesse fuit;
Induit hic carnem nostram, sic marcida vitis
Germinat, effuso sanguine, Christe! tuo,
Concussa est arbor viridis, revirescit inanis
Pinus & hinc, ramis surgat ut illa suis;
Et voluit Christus deduci mortis ad aras,
Ante iterum ascensas, quæ super astra, domos.
Obtinet

Obtinet heu ! qualis carnem dementia nostram,
 In lapsus varios dum male sana ruit;
 Qvippe putant multi, si non ex tempore poena
 Urgeat, oblitum criminis esse Deum:
 Arferat igne Dei quondam viridissima vitis,
 Arida vix planta est effugitura rogos;
 Si propiam prolem poenâ Deus urfit acerba,
 Impendent servo verbera quanta malo!
 Incolumem si te Domini clementia servat,
 Hoc age, quod poscit gratia tanta Dei.
 Arbor sum sterilis, viciosa & marcida planta,
 Ne veniat merito par mea poena suo;
 Sed tu, qui fueras arbor viridissima, serva
 Fronde sub umbriferâ me, bone Christe ! tua:
 Mella ferens baculo fidei mihi tangitur arbor,
 Quæ libans mentis luce micante fruor:
 Adversæ quando fortunæ affligerit ictus,
 O ! Jesu miseri sit tibi cura mei !
 Influat in nostras virtus tua viva medullas,
 Cor simul ac animam roboret illa meam!

CRUCIFIXIO CHRISTI.

ELEGIA XXXIII.

*Iam tandem Christus gestans cruciabile lignum,
 Sanguine quod sancto purpurat ille suo,
 Venerat ad montem pristis Calvaria dictum,
 Miles ubi Domino fella & aceta tulit;
 Potio sed talis, vix dum gustata, rejecta est,
 Nec quicquam sitiens quamlibet ille bibit.*



Blandiloqvus sermo vulpino in pectore natus,
 Conditusque dolis assiniulatus amor,
 Nec non ficta fide verâ contritio cassa,
 Omnia mixta simul mella & aceta puto;
 Quæ quamvis nitido splendescant tincta colore,
 Singula sunt magno toxica spreta Deo.
 Si sit amara mihi tecum fortasse bibenda
 Potio, mi Jesu! gratus utique bibam,
 Quem mihi propinas justo moderamine justum,
 Suffice tu vires evacuare schyphum,
 Æterni saltem mordacia pocula damni,
 Sint procul, atque odii felleus iste calix.
Inde cruci Jesum nudum affixere furentes
Tortores, sævo terribilique modo,
Divinas clavis palmas plantasque cruentis
Transfigunt, penetrant qui simul ossa, cutem,
Iamque duos inter, scelerum quasi pompa, latrones
Suspensus medius, Christe! Theander eras.
Omnia jam fiunt, nunc nunc impleta videmus
Omnia vatidicis ante notata libris;
Sic Deus inquit enim: servus meus undique justus
Cum grege latronum connumeratus erat.
 Jam meditor quondam nudus sub robore stabat
 Adam, luctificum pectus & ora gerens,
 Nam bona non fuerant, nuper quæ fecerat ille,
 Concepitque animo nil nisi triste suo;
 Occultans semet Domino sub stipitis umbra,
 Unde satus cunctis luctus & omne malum:
 Nunc iterum Jesus nudatus in arbore stabat,
 Suffixus cruce, mens tosta dolore fuit;

Perbona sed fuerant, semper quæ fecerat ille,
 Huic tamen innumeri causa doloris erat,
 Occultans semet nulli, tulit omnia aperte,
 Omnibus hinc veniunt omnia læta piis.
 Fixis nunc oculis video, sanctissime Jesu!
 Distracta in ligno membra manusque tuas,
 Sunt quia dispassæ nostro pro crimine passæ,
 Unde rubens calidi sanguinis unda fluit:
 Per lignum sanans & purgans crimina ligni,
 De ligno pendens sanguine, Christe! mades.
 Quas mea mens fordes contraxerat ægra manusque
 Abluit omnimode sanguis id omne tuus.
 Gaudebam fatuus procedere tramite lato
 Criminis, inde tui damna luere pedes.
 Dirige quod super est nostri vestigia gressus,
 Ne labyrinthæam cogar inire viam.
 O! utinam tecum, Jesu! crucifixa maneret
 Hæc mea desipiens & male sana caro,
 Ut tibi commeritos animi constantis honores
 Prorsus inoffenso præstet ubique pede.
 Annumeratus eras fædis latronibus illis,
 Qui verus fueras, iustitia ipsa, Deus,
 Provenit inde mihi fructus, namque omnibus olim
 Propterea iustis annumeratus ero.
 Mentio grata tuæ crucis o! suavissime Jesu!
 Sit constans saltâ mente reposta mihi,
 Dum regit hic socios flatus spirabilis artus,
 Hos mea congeminet libera lingua sonos;
 Passio sancta crucis Jesu, quâ præstita nobis
 Cuncta salus, mihi sit perpetuata salus;

Quod



Qvod donec spiro, veluti certissima spero,
Sperandum semper da mihi sancta Trias.

PRIMUM CHRISTI VERBUM IN CRUCE.

ELEGIA XXXIV.

Quando carnificum nostrum crucifixit Jesum
Turba ferox, jacuit sed resupinus humi,
Perfossis manibus pedibusque extenditur illic
Ante patrem soboles, & Deus ante Deum;
Spectabat coelum facies veneranda, dolore
Horribili gemuit patris imago Dei;
Cev amplexurus patrem placantibus ulnis,
Brachia porrexit candidiora nive;
Stillabat sanguis, fluxit lacrymabilis humor,
Illa unita Deo contremuitque caro;
Cogiter hic quisquis, justam ne hæc omnia ad acrem
Vindictam poterant sollicitare Deum;
Sed Jesus patiens pro tantis hostibus orat,
Ut possent meritum participare suum.
*Ignorant quoniam, faciunt quæ enormia cæci,
Condonæ miseris O! Pater, inquit, eis.*
Hoc certe exemplum sanctum, cev cætera Christi,
Sancte imitanda tibi norma & amussis erit;
Sunt vitanda tibi læso convitia, diræ,
Et committenda est ultio tota Deo;
Si non læfisti speciali crimine quengvam,
Crimine læfisti perpetuante Deum;
Illius in manibus turba est perversa, cruentum
Cev flagrum, quo te cædere jure potest;

Pessima

Pessima quæque licet crudelibus hostibus optes,
 Horum subsidunt ira furorque nihil;
 Impatiens peccas, mens conscia læditur, atque
 Hoc majus damnum pullulat inde tibi:
 Fac, Jesu! tolerans casus patienter acerbos,
 Te sequar infracto pectore cuncta ferens;
 Inmerito mihi qui quidquam nocuere, precabor,
 Ad frugem redeant, sis & amicus eis.
 Dæmonis illecebris mundi seducor & arte
 Sæpius, ignorans & mala multa patro,
 Labilis assidue carnisque instinctibus erro,
 Et mea plus æquo pectora noctis habent;
 Intercede etiam pro me, mitissime Jesu!
 Transeat ut læsi vindicis ira Dei:
 Unus & inter eos numeror, tibi causa dolorum
 Qui fuerant, vario crimine nempe meo;
 Me tibi commendo, tu me quoque, Christe! tuarum
 Commendes Patri sedulitate precum:
 Tortores siquidem voluisti taliter illos
 Intercedendo conciliare Deo,
 Te scio velle mihi quæque optima, sum quia Jovæ
 Gnatus adoptivus, frater & ergo tuus.
 Quando meæ tandem rumpuntur stamina vitæ,
 Et deæt extremam mortis obire viam,
 Ante tuos oculos passi versetur imago,
 Summe Pater! gnati flebilis illa tui,
 Affixus ligno quando miserabile vultu
 Obvertit lacrymans lumina mæsta tibi,
 Hunc propter supplex te, mi Deus! o! Deus, oro,
 Parce mihi, cuncti fons & origo boni.



INSCRIPTIO CRUCIS CHRISTI.

ELEGIA XXXV.

Romanus Solyma Præses Pilatus in urbe

Inscripsit Christi talia verba cruci:

HIC JUDÆORUM REX NAZARENUS JESUS.

Hand gravior mortis causa reperta fuit;

Non procul & quoniam locus hic distabat ab urbe,

Sunt illa a multis verba relictæ viris,

Quæ calamo fuerant triplici sermone notata,

Prætor ut hæc mutet, gens recutita petit;

Sed mutanda negat Pilatus & insuper inquit:

Quæ modo scripta dedi, scripta fuere semel.

Ecce crucis diro Christus de stipite pendens,

Egregium summi nomen honoris habet;

Dicitur hic Jesus, mundo datus ille redemptor,

Ditis ut agyrthæ destruat antra feri,

Qui sic penderet, culpas ut penderet orbis,

Est cujus roseo sanguine parta salus,

Nazarei clarum nomen superadditur illi,

Labe etenim nulla contaminatus erat,

Nocte dieque operans quævis justissima, Patrem

Obsequio placido demeruitque suo,

Rex Judæorum Pilato dicitur, uncti

Davidis æternum sceptræ verenda tenens,

Qui sedet augustus folio venerabilis alto,

Gloria Judæis, gentibus atque jubar.

Tam claro titulo Christum fraudare volebat

Judæ progenies invidiosa nimis;

Flagran-

Flagrantes odio scriptum mutetur ut illud ,
 Poscunt , sed Prætor scripta manere jubet.
 Terminus elatis non eluctabilis unquam ,
 Figitur a summo cuncta regente Deo ;
 Ut mare fluctivagum solidis compescitur oris ,
 Sic sistit tumidos maximus ille stator ,
 Illius auxilio mea spes innititur amplo ,
 Quid mihi tum faciet fumus inanis, homo.
 Qui crucis est apici titulus superadditus alto ,
 Lingva, ceu dictum, triplice scriptus erat ;
 Gratia certa Dei nam gentibus omnibus æque
 Orbis terrarum significanda fuit.
 Quævis lingua tuos, Jesu! commendet honores ,
 Dum valet expresso dicere verba sono :
 O! Jesu, faxis, semper mea patria lingua
 Hic tua divulget verba sacrata crucis.
 Hoc erit omnimodæ certissima causa salutis ,
 Donec alit populum patria nostra suum.
 Imminuit capiti nostro damnosa gravisque
 Symgrapha , quæ varii causa doloris erat ;
 Nunc aliud Christo scriptum superimminet, illud
 Infensum nobis diluit ista graphæ ;
 Electus Rex es, Jesu! te Rege regente
 Vivam, præsidio tutus ab hoste tuo.

VESTIMENTORUM CHRISTI DIVISIO.

ELEGIA XXXVI.

*Cum crucifixisset nudum fex Martia Jesum ,
 Corporis arripiunt integumenta sacri ,*



Quatuor in partes divisus, obtinet illic

*Quisque suam, tunica at textilis una fuit,
Illa & sorte data est, namque inconutilis uni,
Hæc spectans propius plurima turba stetit.*

Omnes tunc nudo pendentem corpore Jesum
Videre, & fluxum sanguinis inde datum,
Talia probra ferens servator Christus, honoris
Eximium nobis culmen adire dedit.

Significatur & hæc Ecclesia vestibus illis,
Quæ tunc bis binis præda fuere viris,
Quatuor in mundi partes nam spargitur illa,
Everso sponso nuper ad astra suo;

Omnia Divini mysteria scavia verbi
Tunica sed Domini textilis ista notat;
Dividit hæc quando fallax sapientia carnis,
Suspensam mentem devius error agit.

Præterea Christo non æris acervus & auri,
Non domus aut quisquam fundus in orbe fuit,
Sed viles tantum vestes, & pauper amictus,
Quem vider ereptum mæsta Maria sibi,
Namque ipse in prædam cecidit latronibus illis;
Ista dabit monitum res memoranda pium:

Sollicite nimium fugitiva pecunia nunquam
Sit, speciosa licet, concumulanda tibi;
Quotidianus enim victus, si vivere paucis
Contentus fueris, est & abunde satis;
Nam nescis, in quas nummus dilabitur auras,

Terra tuos cineres cum rubicunda tegit,
Lictorum nequirit rabidum saturare furorem
Horribilis misera passio tanta viri,

Nunc emungendo loculos qui pauperis Iri
 Distendunt proprios, crimina tanta patrant:
 In cruce sed nudus pendens, sanctissime Jesu!
 Debita solvisti quæ-meæ cunqve Deo:
 Hostia læta mihi, lætissima cernitur illi,
 Placatus fuit hac ille, redemptus ego;
 Hac mihi concessus fulgens hymenæus amictus;
 Et data justitiæ candida palla tuæ.
 Calculus in nostram feliciter incidit urnam,
 Cognita quando mihi dogmata sancta dabas;
 Tangitur ista mihi, Jesu! tua simbria mollis,
 Quando luctificus mætat agitqve dolor;
 Et mox prærapidus mæroris sistetur undæ
 Fluxus, & evigilans scandit ad astra fides,
 Quamlibet hic mundus ridens sua dividat æra,
 Nubila mors faciet júbila tanta semel;
 Sorte mihi veniat Jesu pars proxima sanctæ,
 Christe! tuæ, mea quæ gloria summa, cruci,
 Qvo magis e sancto stillantes corpore guttæ
 Irrorent animam, vivat ut illa, meam.

SECUNDUM CHRISTI VERBUM IN CRUCE.


ELEGIA XXXVII.

*Sancta cruci Domini mater, mæstissima virgo,
 Adstitit attonito pectore Et ore simul;
 Illius, ut Simeon cesinit præcordia mucro
 Perterebrat, summi nempe doloris acor:*



*Adfuit & Christo letiffimus ille Johannes ,
Quem designavit fulva tonantis avis.
Matri fic fatur Jefus : EN FICIUS illic
Eft tuus ! & caro mox ita difcipulo :
Ecce tua hæc mater ! qui poftea munere gnati
Fungitur , atque orbæ vitæ alimenta dedit.
Morigeræ obfequium juffit qui flexile mentis ,
Promifit merito præmia digna fuo ,
Præmia at illa manent prolem , quæ grata parentes
Allevat auxilio, fumtibus , ore , manu.
Si cupis auspiciis femper felicibus uti ,
Iftius exempli fis imitator amans :
His pius affer opem , qui te genuere, benignam ,
Qui fuerant vitæ proxima caufa tuæ.
Qualibet hinc etiam folatia dulcia carpit ,
Quæ jacet in viduo fæmina mæfta toro ,
Si modo mente Deo cafta nitatur , & ejus
Mæroris pelago fubruta quærat opem.
Denotat & cætum , quæ nunc Ecclefia dicta eft ,
Virgo fui patris quæ pia mater erat ,
Talis fponfa Dei fvetæ eft perferre dolores ,
Sortis & adverfæ fæpius igne calet ;
Alloquio blando Jefus tamen erigit illam ,
Tutoris fæpe & fubvenientis ope.
Dilectis Jefu fors eft lacrymabilis illa ,
Quod raro lætos aura fecunda vehat ;
Hi male jactantur lapfarum turbine rerum ,
Quando trifurciferos profpera fata ferunt :
Sub cruce fed ftantes Jefu patientis amici.
Membra fui Domini fangvinolenta vident ,*

Obturu fidei lustrantes vulnera Christi,
 Qualis & aspectus cuncta molesta levat;
 Respicit hos iterum Jesus affamine blando,
 Erigit ambiguos, auxilioque juvat;
 Ferrea inexhausti mæroris vincula rumpit,
 Et numerat lacrymas optimus ille pater.
 Fluctibus innumeris sortis depressus iniquæ,
 Ad te, mi Jesu! lumina sæpe levo;
 In cruce namque mea tua crux solatia præstat,
 Hæc animæ requies, hæc mea vera salus;
 Sunt panacea meo tua singula vulnera cordi,
 Est ceroma mihi, qui fluit inde, liquor:
 Cum calida attonito suspiria pectore fundo,
 Qvot fætus mentis, verba qvot inde fluunt,
 Tot tua suffixi de stipite cernit amoris
 Signa fides oculis illabefacta suis;
 Totque salutares fontes videt undique apertos,
 Unde anima infando crimine pressa bibat:
 Si quando aspirat fortunæ optabilis aura,
 Es, Jesu! mentis meta scopusque meæ:
 Gargara fortunæ quamvis florentia, nunquam
 A solido flectant me sed amore tui.
 Jonas qui qvondam pelagi projectus in undas,
 Sub luco recubans nulla molesta tulit,
 Nullus solis cum præfervidus æstus adussit,
 Umbra cucurbitæ enim dulce levamen erat;
 Sed Jesu crucis hæc magis umbra tuetur ab æstu,
 Ne mihi quid noceat sævior ira Dei.
 Qvicquid ago, qualis veniat mihi gratia sortis,
 Me tua soletur svaviter umbra crucis;



Hic tranquillus agam, rubeos tutusque videbo
 Manantes rivos sanguinis inde tuos:
 Denique cum tandem nutantis corporis hujas
 Exuere induvias, morte vocante, decet,
 Ante tuos o! Christe, pedes projectus adorans
 Emoriar; fuerit sic mihi terra levis.

DE CONVITIIS IN CHRISTUM.
 ELEGIA XXXVIII.

*Suspensum variis Jesum lufere cavillis,
 Qui tunc funestam præteriere crucem;
 Quassantes capita in Dominum differia dicunt
 Plurima, Et hunc probris impetiere suis;
 Quam belle, Domini destructa funditus æde,
 Exstruat hanc iterum, quam bene verba probet.*
 Hæc in concilio Caiphæ mendacia primo
 Falsoqvi testes evomuere duo,
 Quæ sparsa in vanum censetur fabula vulgus,
 Et sic paulatim missa per ora virum:
 Nunc Patriæ patres populus, templique ministri;
 In Jesum jaciunt per sua dicta sales;
 Clamabant: si tu superi Patris unica proles,
 De cruce descendas, sic tibi salva fides;
 Jurerat hic, ajunt, alios, sibi nescit at ipsi
 Auxiliatrices hac vice ferre manus;
 Hæc per tres horas jaciebant scominata, jamque
 Instabat Christi mors violenta Dei.
 Vulnere quos Domini Jesu tristissima nostri
 Nulla movent, ut ament & venerentur eum,

Cum

Cum populo faciente Deo ludibria, credo,
 Ludentes ejus præteriisse crucem;
 Qvos tandem stimulans aut desperatio torquet,
 Aut induratos ad styga Alastor agit.
 Nunc ad suffixum cruce te, sanctissime Jesu!
 Accedo trepida plurima mente putans.
 Da mihi, perspiciam, fuerint convitia quare
 Jam decessuro tanta ferenda tibi?
 'Tantum fonte sacro lustratus culmen honoris
 Conscendi, templum dicar ut esse tuum,
 Hoc penetrabile Dei, peccati pessima labes
 Funditus evertens maxima damna dedit;
 Spondendam certe magno promissor hiatu,
 Hanc intra triduum restituisse domum:}
 Cum præstanda fuit contritio vera fidesque,
 Inque dies reliquos vita novata mihi;
 Pollicita at fuerant speciosa hæc præstata nunquam,
 In fumos abiit & data sæpe fides;
 Nunc probris læsus suffixus ab arbore Christus,
 Abstulit hinc merito probra parata mihi.
 Glorior immensum fidei de robore, quando,
 Pando tranquillo turgida vela salo,
 Rebus in adversis mox hic elanguit ardor,
 Nulla fides, fidei nulla ligustre patent:
 Ergo me merito probrosa infamia mansit,
 Sed pro me Jesus omnia probra tulit.
 Errantum videor varios reprehendere nævos,
 Cæcus in erratis sum tamen ipse meis,
 Probra igitur satyris fuerant conjuncta protervis,
 Justa mihi, voluit Christus at ista pati.




In decedentem te, Jesu! scommata sanctum
 Exundaverunt innumerabilia,
 Ut mea cum lethum vitalia lumina claudit,
 Sint decessuro cuncta quæta mihi:
 Hæc est certa salus, nunquam confunditur illo
 Confisa auxilio spes bona, Christe! tuo.
 Quando protervorum mala me convitia pungunt,
 Est mihi suffugium crux tua sancta datum,
 Hinc non avellar, mundi dictæria in isto
 Tutus præsidio spernere cuncta quæo,
 Quandoquidem moriens tanta es convitia passus,
 Gloria sit, Jesu! nominis ampla tui,
 Nunc cælum tellus, nunc aliger Angelus omnis,
 Nunc genus humanum quicquid hic orbis habet
 Omne genu supplex flectat, tibi serviat omne,
 Pergat & in laudes luxuriare tuas.

PÆNITENTIA LATRONIS.

ELEGIA XXXIX.

Unus Latronum poena mactatus amara;
Illudens Christo, talia dicta dedit:
Si tu forte Dei sis filius unicus illi,
Nobis atque tibi, quam potes, offer opem:
'Alter ait: tu non trepidas formidine magni
Recloris mundi, qui tamen ipse luis:
Ambo nos equidem juxte punimus, at ille
Deliquit nihil; & mox ita verba facit:
Quando tui scandis divina palatia regni,
O! Domine, immeriti quæso vementes mei.

Cernimus hic primo peccati præmia fædi,
 Nempe induratum cor patiente viro,
 Fac Deus, ut mihi sint quævis tua iusta flagella
 Virga salutaris, quæ meliora docet.
 Et spectanda venit contritio vera latronis
 Alerius, cui sic pœnituisse datur;
 Corripit hic socium, iuste pœnasque dedisse
 Plane commeritas dicit utrumque suas:
 Credidit & Jesum regnorum coeli potentem,
 Ipsis qui similis sorte putatus erat;
 Hunc igitur talem supplex petit ore modesto,
 Ut vellet saltem commeminisse sui.
 Omnes præsentes circa crucis undiqve lignum
 Clamoris probris obstrepere viri;
 Christus ad illa tacet, quamvis sibi dicta, latronis
 Ad verba orantis non tamen ille tacet:
 O! Jesu, quantum tua me clementia tangit,
 Mire famoso præstita nempe viro,
 Illius ærumnæ plus te movisse videntur,
 Quam tua lugubris passio, probra, dolor,
 Sic tuus errantes par est affectus in omnes,
 Nec deservet adhuc ille paternus amor.
 Hic prædo faciens enormia plurima, & usque
 Tempus ad hoc pergens in sua damna ruit,
 Noluit hæc Jesus verbo tunc tangere: sic est
 Exsuperans Domini gratia grata mei:
 Non est quod moriens animum despondeat ullus,
 Quamvis distulerit poenituisse prius,
 Nulla nimis fera est, modo sit contritio vera,
 Quæ bene servanda est anchora sacra spei,



Gratia namque Dei non circumscribitur ullo
 Tempore, & hanc nunquam denegat ille piis :
 Mortis at ambiguo noli confidere puncto,
 Criminibusque Deum sollicitare tuis,
 Et sic ad feram differre piacula mortem,
 Hoc in aperta fuit nam dare damna caput,
 Peccavi Domino, multo sum crimine pressus,
 Ut cito convertar res monet atque jubet,
 Tuque memento mei, Jesu Dulcissime ! quando
 Me decet, ut reliquos, mortis inire viam.

TERTIUM CHRISTI VERBUM IN CRUCE.

ELEGIA XXXX.

Respondit Jesus verbis Latronis amice,
Orantis tanquam sunt memorata prius ;
Amen dico tibi, Paradisi gaudia tecum
Hac ipsa tibi sunt insinuanda die.
 O ! quantum prodest homini contritio vera ;
 Constanti si sit concomitata fide :
 Ira Dei si quando super peccantibus ardet,
 Hic dolor hanc sedat, placat & ille Deum ;
 Si sævit Domini vindictæ fervidus æstus,
 Desævit lacrymis ore madente piis ;
 Arroset mentis contritio vulnera sanat,
 Hanc beat, Angelicos exhilaratque choros :
 Seria verba precum contrito e pectore missa,
 Indubie trino sunt pretiosa Deo :

Ut

Ut prius ex petrâ radiatus tempora vates
 Elicuit baculo flumina clara suo,
 Supplicibus votis sic mæsto corde revulsis
 Elicitur facilis gratia corde Dei.
 O ! Jesu, similis tali sum forte latroni,
 Hilo nec melior, si mea facta putas,
 Criminibus pressus, nunc mente & corpore fessus
 Pervenio supplex ad tua ligna crucis,
 Inde mihi videor nudum te cernere, & ulnas
 Pandentem, stillat sanguinis unde liquor :
 Hoc animæ mæstæ præstat solatia nostræ,
 Cui fructus meriti provenit inde tui ;
 Namque isti latices mea fordida vulnera purgant,
 Labro mundatus quo bene mundus ero.
 Iam super astra sedens cruciatus liber ab omni,
 Rex Regum Jesu Christe! memento mei ;
 Mane mihi dicas summo cujusque dici,
 Talia vota mihi sæpe iterata fluunt :
 In mundo quamvis hodie versere rotundo,
 In cælo mecum cor tamen esto tuum :
 Quando soporiferæ me vis vocat horrida mortis ;
 Dicas hæc animæ svavia verba meæ.
 Suscipe mox hodie solidissima gaudia mecum,
 Quæ nulla fuerint interitura die.
 Quamquam non species illic divina fuisset,
 Ac ne humana quidem sat speciosa tibi ;
 Attramen heic pendens fueras, sanctissime Jesu !
 Omne regens Dominus, cælipotensque Deus ;
 Qui dare demoriens poteras Paradisia Regna,
 Quænam non poteris jam dare dona tuis.



Contra vim mortis surgit fiducia mentis;
 Hinc mihi qvotidie non peritura semel,
 Qvod felix sine fine qvies, sine fine voluptas
 Mortis speranda est appropinquante die.
 O! Jesu, tua verba crucis solatia firma
 Sunt mihi, dum vivo, sint in agone mihi.
 Deniqve & Edenios salvandum transfer in hortos,
 Mox ubi coelesti neſtare potus ero.

QVARTUM CHRISTI VERBUM IN CRUCE.

ELEGIA XXXXI.

*A sexta ad nonam tenebris offunditur horam
 Terra omnis, lumen sole negante suum:
 Mi Deus! exclamans Jesus, o! mi Deus! inquit:
 Cur me liquisti? verba notanda bene.*
 Absit, ut hæc dicens Jesus trepidaverit, aut spem
 Perdiderit, fractus qvomodocunqve malis;
 Sed vim peccati, cruciatus atqve dolorem,
 Ostendit, scelera & quid meruere, docet:
 Labe cãrens oculus mundi radiatus apertum
 Subtraxit lumen sol patiente Deo:
 O! quanto pudeat magis hos, qvi crimine tanti
 Tormenti Domino causa fuere suo;
 Qvot modo deberem dare signa rubore pudoris,
 Te reputans pãnas sustinuisse meas,
 Pro me mœstitiæ es tam vasto vortice mergus,
 Osculor ergo tuos advenerorqve pedes.

Plangor

Plangor in extremis tenebris ululabilis, atque
 Stridor erit, merita hæc & mihi pæna fuit;
 Sed Jesum passum tenebræ tenuere minaces,
 Ne quondam tenebris obruar, orce! tuis:
 In tantis tenebris o! Jesu, flebile clamans,
 Me simul in cæli lucida regna vocas;
 Hac in luce tuos celebrabo lætus honores,
 Æternum dulci júbila voce canens.
 Nunc peccatorum, variæ nunc fortis iniquæ
 Umbriferis tenebris, hev mihi! sæpe tegor,
 Auxilii lumen, solatia sæpe requiro,
 Quæ mea non raro mæsta querela fuit;
 O! sol justitiæ, tenebras dispelle molestas,
 Tempora largire & lucidiora mihi.
 O Jesu! didici te tale docente magistro,
 Quod seqvar exemplum, quodque monenda monet,
 Mi Deus! exclamo, repetens hoc, mi Deus! unum,
 Quando crucis rigidæ me grave vexat onus:
 In mortis tenebris, o! mi Deus, omnia mundi
 Gaudia cum fugiunt, mi Deus affer opem!
 Dixerat afflictus Jesus se a patre relictum,
 Nunquam me afflictum deseret ergo Deus,
 Sed propter Christi gemitum meritumque per omne
 Vel tandem gemitus audiet ille meos.
 Cessante auditu, visu, voce atque loqvela,
 Quando summa mihi fit sine sole dies;
 Mi Deus! hæc Jesu tristissima verba memento,
 Et clemens animam commiserare meam.


QVINTUM CHRISTI VERBUM IN
CRUCE.

ELEGIA XXXXII.

*Paulo post Jēsus, sitio, mæstissimus inquit;
Seque ita quæsurum vaticinatus erat;
Illico correpta est jacuit quæ spongia mollis;
Hæc & arundineo stipite fixa levi,
Moxque sitibundo faciem mordacis aceti
Propinat Domino Martius iste latro.*
Mirandum est Regem terræ coelique potentem
Tantis subiectum totque fuisse malis,
Qui prius in vinum collectum palmitē nullo
Mutavit fluidam numine fontis aquam;
Hic fuit emoriens acido potatus aceto,
Quod tamen ambiguum est, sistat, alarve sitim.
At nunc in vinum cur non mutaret acetum?
Quandoquidem potuit, si placuisset ei:
Advenisse scias tempus, miracula Christo
Quo fuerant solito non faciēda modo,
Hæc sed instabat præsens, quæ passio tristis,
Et mors terribilis perpetiēda fuit:
Facta quidem Jesu monstrabant mira fuisse
Hunc vere æterno Progenitore fatum?
Contra verus homo, capitalia debita nostra
Qui bene præstiterit, passio sancta docet:
Ille ministrabat nobis sanando dolores,
Sed patiēdo fuit victima grata Deo;
Humanæ vires naturæ stantis in armis
Defecere omnes, Christus & inde sitit:

Deinde

Deinde tuam scito Jesum sitiisse salutem,
 Hancqve sitim genuit fervidus ejus amor;
 Sed te subpudeat, siccum quod talis amoris
 Cor vitale tuum non premit ulla sitis:
 O! mea mens dulcis vitæ spirabilis aura,
 Observa, quid ait sponsus amore calens:
 Maroris nostrum cor nunc in fluctibus aret;
 Ne te demergens obruat unda mali:
 Sed tu quid Christo propines, ejus & acrem
 Qvo poteris gelido fonte levare sitim;
 Perversæ mentis calicem simulamine mixtum
 Ferre sitibundo quis neget esse scelus;
 Sit tibi religio pariter miscere fabellis
 Verba dei, nihil his detrahe & adde nihil.
 Quamvis nunc interrumpant suspiria vocem;
 Verbis nostra echo succinit ista tuis;
 Te, Jesu! sitio, sitio tua lata favoris
 Flumina, quæ elargo limpida fonte fluunt.
 Nil mihi jam superest, qvo te potare vel ausim;
 Vel potero, misero nulla falerna mihi,
 Ni pauca lacrymæ & simplex fiducia mentis,
 Quæ, precor, accipias, consule & ista boni.
 Quævis lingua tibi, Jesu! det munera laudis,
 Cujus tunc linguam preffit acerba sitis;
 Et mea te laudet, quod nunc sum liber ab omni,
 Quæ metuenda fuit, discruciente siti,



SEXTUM CHRISTI VERBUM IN CRUCE.

ELEGIA XXXXIII.

*Iam propinatum Jēsus gustavit acetum,
Et, CONSUMMATUM est, emoriturus ait.*

Hoc verbum Christi sanctè meditabimur, unde
Dulcia devotus gaudia mente capit,
Hæc ut possimus recto cognoscere sensu,
Nosse Dei summi prævia scita juvat:
Ille dedit legem per se sane omnibus æquam;
Quæ fuerat vitæ regula plana piæ,
Justitiam sanctam sancto de corde fluentem,
Et totum sanctum postulat illa virum:
Est promissa salus perfecte implentibus illam,
In minimo lapsis mors obeunda fuit;
Adam sed postquam coelestia fœdera rupit,
Et fregit legis jussa verenda Dei,
Aspera terricolis impletu lex ea nullis.
Possibilis fuerat, quippe severa nimis;
Intolerabilibus poenis obnoxius omnis
Factus homo, nova spes nulla salutis ei;
Aut implenda gravis lex partibus omnibus illa,
Aut gens nostra omnis deperitura fuit:
Filius ergo Dei coelis oriundus ab altis,
Legis onus, legem qui tulit ipse subit,
Hanc subiens totam vice nostra impleverat illam,
Illamque implendo præstitit omne Deo:
Criminis at totum quo solveret ille reatum,
Supplicium crucis & limina mortis adit.

Omni.

Omnibus impletis, quæ nos fecisse decebat,
 Impleta hæc eadem prædicat ille palam,
 Ergo servator voces erumpit in istas,
 Clausurus vitam morie minace suam,
 Ut cum nos feriet mortis dentata bipennis,
 Omne suum meritum pectora nostra levet.
 O! quam lata crucis Jesus proclamat ab ara,
 Consummata ajens quæ benefacta tulit,
 Sunt impleta, inquit, vestram reparare salutem,
 Omnia, quæ poterant, coelica porta patet:
 Pro vobis lex est perfecte impleta, piorum
 Impleta & vatum quæ monumenta ferunt:
 Pro vobis lythrum perfecte ex asse solutum,
 Vobis perfecta est gratia parta Dei:
 Imperfecta mihi quævis perfectio plena
 Impleat o! Jesu, perficiatque tua;
 Implendo legem complebas omne salutis
 Nostræ opus; æterna est jam mihi vita mori.

SEPTIMUM CHRISTI VERBUM IN CRUCE.

ELEGIA XXXXIV.

*Postremo Jesus clamabat voce sonora,
 Constituens diræ mortis obire vicem,
 In manibus servata tuis requiescat ut illa,
 Summe parens! animam suscipe, quæso, meam.*
 Corde pio Christi meditanda asperrima mors est,
 Et quæ protulerat, verba notanda bene;




Cum nullis æqvanda malis mala plurima Jesura
Urgerent, diræ & vis furiosa necis,
Æternum Patrem, Patrem super omnia verum
Appellat Patrem non minus ille suum:
Me docet hic Jesus, quamvis premar alea fortis,
Velle mihi patrem sic tamen esse Deum,
Per Jesum potero Dominum mihi dicere patrem.
Dilectum, vigeat si mea vera fides;
Nam pater ut prolis misceretur amabilis ægræ,
Sic mihi commiserans cor habet ille pater.
Constat & hinc animam, jaceat cum funus inane,
E' gelido raptam corpore, luce frui;
Illa ubi sit requiem constatque habiturâ perennem,
Est ea coelestis mansio dextra patris;
Quicquid agis, Domini fac te manus optima ducat,
Sic ea te tandem ducet ad astra manus;
Hancque manum nunquam, cædat licet illa, retundas;
Castigans hominem palpat & illa manus:
Quando destituit manus imbecillima mundi,
Sit manus hæc Domini proxima meta tibi:
Mox oriente dic, mox decedente memento,
Talis ut aptarum sit tibi forma precum,
Hanc animam commendo meam tibi, summe Monarcha!
Qui regis astra poli, qui regis arva soli;
Crede tuam moriens animam sic Regis Olympi
Nacturam sedes inter utramque manum,
Hanc ubi non torquet magis Ilias ulla malorum,
Sed faciem Domini libera læta videt.
Præterea Jesus jam jam moriturus, Ebræi
Psalmographi formam cepit ab ore precum:

Sint tua norma precum divini oracula verbi,
 Qvod vires voti roborat, atque fidem.
 Tu mihi me miserans placidus Pater o! Deus, esto,
 Et tua me ducat blanda paterna manus;
 Hæc manus omnipotens foveat, me & conferat omne.
 Auxilium, mundo suppeditante nihil:
 Si quando tua me manus arguit aspera flagris,
 Osculor hanc, virgas osculor atque tuas,
 Succure, ut felix eluſter mortis agonem,
 Tum Pater hanc animam fufcipe, quaſo, meam;
 Sic moriens vivam pauperrimus omnia habebo,
 Huic mundo dicens tempus in omne vale.
 O! Jeſu, tua corde gero crucis ultima verba,
 Ultima & in mundo ſint ea verba mihi.

DE MORTE JESU.

ELEGIA XXXV.

Tum caput inclinans Jeſus poſt ultima verba
Emoriens animam tradidit ipſe ſuam:
 Præco Dei Paulus peccati præmia mortem,
 Crimina & ejusdem tela cruenta vocat;
 Dispereat peccans infandæ mortis in æſtu
 Quilibet, hoc ſanxit lex oneroſa Dei;
 Talia at ad juſtum quid verba minacia Chriſtum?
 Qvi vacuus ſædo crimine totus erat,
 Quemque tori genuit lætiqve ignara jugalis
 Nympha decus coeli, numine plena Dei.
 Nec poenam meruit Jeſus, nec fulmina mortis,
 Cur igitur voluit ſanctus utrumque pati?




Aut cur punitur pæna indignissimus omni,
Cur moritur vitæ fons & origo Deus?
Spiritus æternus causam nos edocet illam,
Crimine pro nostro vulnera passus erat:
Livores ejus nostri medicina doloris,
Hujus ago nobis pax oleata fuit.
Ipse luit patiens immundi crimina mundi,
Pro meritis mortem mortis agona subit;
Ut nos vivamus, vitales exuit auras,
Omnia pro nobis fecit, & omne tulit.
Transgressum legem me mansit crimine digna
A tergo tacito pæna secuta gradu,
Conscia mens torsit, mortis vis irruit, & me
Constrictum vinclis hæc tenere suis.
Peccatum sequitur quod sit transgressio legis
Culpa gravis, culpam mors truculenta subit,
Mortem judicium, sententia judicis acrem
Exposcit poenam, poena perennis erit:
Sed Majestatem Christi lex læserat, illum
Damnando legis qui tamen auctor erat;
Sit maledictus, ait, moriens in stipite, & illud
Urserat effatum mors furiosa ferum.
Nunc legis vires Jesus infregit, & omne
Abstulit a nobis prægrave legis onus,
Sunt infracta simul damnosæ spicula mortis,
Carceris atque ejus viracula rupta jacent;
Mors æterna jacet demortua, mors tua, Jesu!
Vicet eam, mea mors jam pretiosa Deo;
Mors ubi nunc tua vis: mors est ad limina vitæ
Svave iter, est lucrum mors benedicta mihi,

Mors tantum fluxæ dirumpit stamina vitæ,
 Et facit aggesto membra jacere solo;
 Spiritus in summo vivit securus olympo,
 Imperii brevis est terminus iste necis.
 O! Jesu, tua mors vitam mihi reddidit, ægrum
 Illa machaonia cor mihi sanat ope:
 Vis divina tuæ mortis perrumpat aheni
 Fibrarum cordis ferrea claustra mei,
 Ut nostræ quævis effrena piacula mentis
 Ejus in occulto commoriantur agro.
 Tu caput inclinas clausurus funere vitam,
 Quo nutu monitum me simul esse puto;
 Me puto sic monitum, funestam pectore mortem
 Ferre tuam, tanta est qua mihi parva salus;
 Sic oculos moriens ad te, mea vita! levabo,
 Instar sit moniti nutus & ille tibi:
 Perque tuam mortem, mortis fortissime victor!
 Sit felix mortis, cum venit, hora meæ;
 Ut corpus placide terrâ requiescat in uda,
 Spiritus in manibus trina monasque tuis.

SIGNA IN MORTE CHRISTI FACTA.

ELEGIA XXXXVI.

*Rumpitur aulaeum Christo moriente superbum,
 Divisit Templi quod loca sacra Dei;
 Dat fremitum tellus imis agitata cavernis
 Concussa, & longis tractibus ista sonat;*



Diffusa in terram crepitantia murmure rauco
Sedibus acta suis grandia saxa ruunt :
Mox adaptata patent hominum monumenta piorum ,
Corpora & in bustis vivificata suis ;
Hicque resurgebant, postquam redivivus apricam
Christus devicta morte revisit humum ;
Denique congesto circumdata mœnia vallo
Ingressi, multis spectra fuere viris.
 Tristia disruptæ spirant prælagia rupes ,
 Extremum Christo sic obeunte diem ;
 Asperior solido est adamante & marmore denso,
 Omnibus & saxis , quæ tulit alma parens ,
 Qui ficcis oculis , immotus fronte serena
 Hanc Jesu mortem commemorare potest :
 Qui venit inde piis fructus , vix candidus unquam
 In tam callosa & frigida corda fuit.
 Mirandum dictu , terram titubare recussam ,
 Et ruerè horrendo saxa fragore suo ,
 Sed solos homines altum dormire veterum ,
 Pro quibus & solis Christus id omne tulit,
 Ista sed expansi sacri ruptura notabat ,
 Quæ prædixerant verba disertæ Dei ;
 Ampla sacerdotum & Levitica munera , regnum
 Gentisque Abramidum mox abolenda fore.
 Plurima ab ingressu coelorum obstacula lapsos
 Arcebant homines , crimina , culpa , scelus ;
 Morte sed hac Christi velum dirumpitur illud ,
 Et sanctissima nos omnia adire licet ;
 Per Jesu mortem namque est via strata salutis
 Omnibus ad summi regna beata poli ;
 Omnibus

Omnibus & pater hic felix ecclesia mater,
 Bianda favoris ubi personat aura Dei.
 Cepere & Christi de mortua corpora mortis
 Fructum, vis cujus busta adaptata facit,
 Æthereasque iterum revocari lucis in auras,
 Morte etenim Jesu mors superata fuit.
 Idque notâ dignum, potuisse exire sepulchris
 Haud quenquam, Dominum morte tenente suum,
 Nam virute sua propriâ primusque resurgit
 Christus, & hinc nobis vis rediviva venit.
Talia Judæi totque horrida signa videntes,
Attoniti moesto pectore dicta dabant:
Næ satus ille Deo fuit, & justissimus una,
Pectora plangentes & reâre domum.
 Horum nunc mæror præcordia frigida rodit,
 Supplicium Christi qui petiere prius;
 Cautus agas, dignus fuerit si vindicæ nodus,
 Nam mens præcipitans in mala quæque ruit.
 Exseruit, Jesu! divinas mors tua vires,
 Splenduit in tenebris luxque corusca nigris,
 Quando gentilis cor sic illuminat, ut te
 Æterni gnatum noverit esse Dei:
 Luceat in tenebris sic lux tua splendida nostri
 Cordis, ut a pravi tramite flectat iter.

DE AMICIS CHRISTI.

ELEGIA XXXVII.

Affixum ligno Jesum, morientis amici
Cernentes, multis sletibus ora rigant;



Fæmineumque genus, lethalia vulnera spectans
Stabat, Et hæ lacrymis emaduerè suis.
 Hic patet instabilis quam sit rota stridula mundi,
 Obliquo verti quæ levis axe solet:
 Quando tibi finis decreti venerit ævi,
 Nil fatis, in vasto quod fuit orbe, juvat;
 Sed nec amicitiae prodest venerabile nomen,
 Nec profunt auri mille talenta rubri;
 Quamlibet auxilio vellent succurrere amici,
 Contra vim mortis non juvat ista manus,
 Quæ quamvis foveat langvens medicamine corpus,
 Expers humanæ est spiritus æger opis.
 Ne sit amicitiae cum peccatoribus ulla
 Causa tibi, si vis faustus obire diem;
 Unicus existat Jesus tibi summus amicus,
 Sed mundi parvi pensus amarus amor;
 Hic cum destituit, promptissimus adjuvat ille,
 Præstando vitæ nobilioris opem.
 Qui Jesum passum complectebantur amore
 Summo, summus eos urget agitque dolor;
 Christo dilecti sunt hic moeroris alumni,
 Castigat, sed non deserit ille suos;
 A cruce quamlibet hic steterint procul ejus amici,
 Omnibus & pariter cernitur ille tamen:
 Ad crucis hoc lignum, seges agglomerata malorum
 Qvos premit & pungit, sexus uterque veni;
 Quæcunque adversi patiaris fulmina fati,
 Hic panacea potens, hic medicina datur;
 Hic oculos fidei rubicunda ad vulnera Christi
 Adverte, et fortis spem melioris habes;


Hic namque aspectus lacrymas abstergit amaras
 Temperat hic luctus, elevat hic gemitus:
 Si te lethiferæ pungunt contagia vitæ,
 Cerne Deum passum, crimen ut omne piet,
 Aspectus colubri quondam pendentis aheni,
 Corporibus populi causa salutis erat,
 Aspectus magis at pendentis in arbore Christi,
 Serpentis stygii virus inane facit;
 Peccatum tantum nunquam comittitur ullum,
 Æternæ poterit quod dare damna necis,
 Si satis attentis Jesum tua cernit ocellis,
 Mens contrita proba concomitata fide.
 Eminus aspicio te nunc, dulcissime Jesu!
 Hic lacerum corpus, faucia membra patent;
 Vulnere quando mea intueor, tremor occupat artus,
 Sed tua solamen vulnere sola meum:
 Tam procul haud unquam fac a te, Christe! recedam,
 Quin me soletur visio grata tui:
 Quamvis destituat me sani corporis usus,
 Et simul aurifero lecta metalla Tago,
 Integer, o! Jesu, fac, sim tibi semper amicus,
 Omnibus & vacuo suppetet omne mihi.
 Demando corpus vitæ & spiracula nostræ
 Semper amicitiae, frater amice! tuæ.

LATUS CHRISTI LANCEA TRAJICITUR.

ELEGIA XXXXVIII.

*Vespere Judæi subeuntes testā Pilati,
 Optabant tolli corpora fixa cruci;*

Causa



Causa fuit pragnans illud tentare precando,
Festa propinquabat nam celebranda dies:
Hic crucifixorum confringere martis alumnos
Ossa jubet, modo quæ fracta duobus erant,
Sed membrum Christi nullum tetigere tyranni,
Jam quia mortales clauferat ille dies:
Unus at illorum frameda latus impius hausit
Christi, quem vitæ liquerat aura suæ;
Hic quando cordis rimatur cuspide fibras,
Fluxerat iude rubens sanguis & humor aquæ.
 Corpora sunt Domino curæ post fata suorum,
 Cev fuerant animâ quondam animata sua,
 Ossa etenim clauso putrefacta carne sepulchro
 Sanctorum penitus non peritura finit,
 Quorum reliquias fragiles fractasque minuim
 Ille velut solidas consolidare potest.
 Ex latere Adami formosa est condita pridem
 Prima parens, illum dum sopor altus habet,
 Expergestus nomen simul indidit illi
 Protopater sapiens, conveniente modo:
 Nunc lateris vulnus sopitus morte cruenta
 Christus habet, thalamos dum parat ipse suos:
 Condita nam fuerat nascens ecclesia Jesu
 Sangvine, & hæc clarum nomen adeptæ suum,
 Postquam flammigerum victor conscendit olympum,
 Sedit & ad dextram Rex super omne patris;
 Monstrat & effusus Christi de vulnere rivus,
 Mystica Baptismi quid notet unda sacri,
 Lympha patet cunctis, sed Jesu sangvine mixtam
 Justitiæ fidei lumina sola vident.

Quam felix Thomas, lateris quod vulnere tacto,
 Christe! tuo, fidei lumine tactus erat:
 Sic fidei sanctæ manibus super astra levatis,
 O! utinam possem tangere vultus idem.
 Largifluum Jesu venæ sparsere liqvore
 Omnes, eum faceret flebile mortis iter;
 Omnia sanguineo rorabant flumine membra,
 Guttula quæque fuit victima grata Deo:
 Sed quia nos tantum dilexerat, inde recessus
 Oclusos cordis noluit esse sui;
 Intima nam saliens arteria pectoris ejus
 Panditur hic nobis, fons ut amore scatens,
 Intravere fores animalia singula latas,
 Quas habuit justî nobilis arca Noæ,
 Et virtute Dei poterant ingressa per illas
 Tuta in mortiferis omnia vivere aquis:
 Ecce fores vitæ latus hoc penetrabile Christi
 Pandit, ubi portum vir moriturus habet,
 Quisquis id effugium petit & permanfit in illo,
 Non est in mortis deperiturus aquis.
 Lamechides quondam jactata vectus in arca,
 Sustulit ad celsum lumina sæpe polum,
 Horridulum cœlum, montes dum volvit aquarum,
 Lucida percupiens astra videre semel:
 Mæstus perspiciens Jesu præcordia sancta,
 Sæpius in coelos lumen urrumque levo;
 Moxque mihi splendens divini fulgor amoris,
 Mæroris tenebras pellit abunde meas.
 Legiferi Mosis baculo percussa stupendo,
 Petra dedit largam vim fluitantis aquæ,



Castra per Abramidum promanans lymphidus humor,
 Sedavit sparsam tosta per ora sitim:
 Iratus quando feriit cor Jova bacillo
 Unigeni gnati morte furente sui,
 Lympha salutifera in partes dispergitur omnes
 Orbis, & hinc melius sistitur orta sitis:
 Fessus ad hunc vitæ fontem mea langvida membra
 Restituo, vires accipioque novas.
 Tutus in his latebris sum contra fulmina mortis,
 Inque tuo, Jesu! vulnere cordis ovo:
 Est mihi cor variâ peccati labe cruentum,
 Sangvinis eluat hanc guttula quæque tui,
 Et sistat nimium vitiosi pectoris æstum,
 Quem male potatis criminis hausit aquis.
 Quæque meo saliens calido sub pectore vena,
 O! Jesu scateat laude & amore tui;
 Quævis gutta tuo stillans de corpore sancto,
 Sic cujusque boni fit mihi vena scatens;
 Quævis lingua tuas jam laudes intonet, orbis
 Qua patet Eous, qua patet Occiduus,


SEPULTURA CHRISTI.

ELEGIA XXXIX.

*Civis Arimathius clarusque senator Joseph,
 Aëta sacerdotum perfida nulla probans,
 Discipulus Christi, quamvis privatus, opumque
 Dives, & eximia vir pietatis erat;
 Præsidis hic venia Jesu venerabile corpus
 Detraxit signo sanguinis imbre madens;*

Emerat

Emerat ille prius nova lintea candida, ut illis
 Involvat Domini pallida membra sui:
 Et Nicodemus adest, admixtaque pondera myrrhæ
 Messis aromaticæ sat pretiosa tulit:
 Incisum rupi Joseph possedit in horto
 Bustum, quo nullus conditus ante fuit;
 Deponunt illic divinum corpus inunctum,
 Obscrustas lapide & deseruere fores:
 Magdala, Salome, & Jacobi dicta Maria,
 Matronaque aliæ præsto fuere bonæ,
 Funeris extremum massæ ut comitentur honorem,
 Solventes Domino debita jussa suo:
 Harumque in numero mens devotissima Christo
 Quamlibet exiguo tempore siste gradum:
 Ad gelidum Jesu comitarier ossa sepulcrum
 Cerno duos, quorum pendula prima fides,
 Numinis afflatu nunc his fiducia surgit,
 Inque Deum pietas officiosa viget:
 Sic sensim fidei scintillam suscitât agræ;
 Spiritus æterni tertia flamma Dei;
 Luceat ut tandem rutilanti lumine, donec
 Fulmineas vires exserit illa suas.
 Ne metuant, quibus est fidei vis languida, at ejus
 Incrementa petant insinuanda piis.
 Fac, Jesu! suspensa fides mea crescat, amorque
 Quotidie, ut fructus dent nova signa boni.
 Deinde notes, Domino non displicuisse piorum
 Exsequiis quamvis sit datus æquus honor:
 Vir pius hic fuerat sancti spiraminis ædes,
 Mortuus est igitur dignus honore dato;



Funebria hic justum retinent convivia nullum
Stulta locum, magis at defugienda bonis,
Paganis præci mos gentibus orbis avitus
Christianos minime barbarus ille decet.
Illatum tumulo semper cum cernis aperto,
Qvem rapuit rabidæ vis violenta necis,
Indoleas, volvasque animo, quod mortis & ista
Semita sit præceps mox ineunda tibi;
Funere deposito, credasque, susurret in aurem
Mors tibi: post paulo te manet iste locus.
O! bone servator, cujus mandata sepulcro
Finitâ vitâ membra fuere semel,
Fac, mea sit felix mors, fac mea, membra sepulta
Terra regat placide, restituenda Deo,
Sed mea divinæ siue corpore particula auræ
Ascendat nitidi læta theatra poli.
Insuper hæc Jesu requies telluris in alvo
Nostræ in sarcophagis est requies honor;
Sanctificavit enim sanctis sanctissima Jesu
Rite sepulta caro busta parata piis:
Nostra sepulcra igitur sunt dormitoria tantum,
In quibus haud quidquam, mors! tua regna valent.
Da mihi, summe pater! miseram sic vivere vitam,
Ultimus ut mihi sit lenis in orbe sopor;
Da mihi sicque mori felici mortis in hora,
Ut decedenti sit mihi vita mori;
Daque meum tandem sepeliri corpus honeste,
Ut vellet justus quisque vovere sibi.

DE CUSTODIBUS SEPULCRI.

ELEGIA L.


Postridie injustum grandes adiere Pilatum
Primores populi, sic placuitque loqui:
O! Domine illustris, quænam falsarius iste
Dicta dedit, nostra mente reposta manent;
Post triduum, dixit, vivens a morte resurgam,
Hic præpostera nos cautio nulla juvat,
Fac igitur, caute servantur ut ossia busti,
Tertia dum coelum triverit axe dies:
Ejus discipuli forsan de nocte sepultum
Surripiant funus, dimoveantque loco;
Et dicant populo redivivum pulvere terræ
Egressum corpus, luce nitente frui;
Inde nihil mirum, quod inextricabilis error
Pullulet, & forsan deteriore modo:
Custodes statuit syriis hic prætor in oris,
Excubiis jutos invigilare suis:
Et munit lapidem prælustre toreuma sigilli,
Processus tragici finis & iste fuit.
Gens Judæa truci fuit hæc truculentior omni
Tigride, sarmaticis asperiorque jugis,
Quorum non poterant sævum saturare furorem,
Omnia, quæ patiens Christus acerba tulit;
Nunc & in exanimem cumulant convitia Jesum
Maxima, cui tandem parcere tempus erat:
Absit, ut in quemquam stolide diæteria dicas,
Quem secuit mortis falx peracuta feræ;



Judicis ad summi concesserat ille tribunal,
Est ita judicium prorsus inane tuum:
A te principium, rerum tibi cura tuarum
Sit magis, & propriam verrere disce domum:
Omnia Judæi meditantur pessima Christo,
Propositum Deus at perficit omne suum:
Si non famosi servassent claustra sepulcri
Custodes cura pervigilante sua,
Forfitan uberior dubitandi causa fuisset,
Christus an evicta morte redisset humo;
Impia sed tantum magnum & memorabile verum
Testatum dederat pervigil ista cohors,
Auro corruptos quamvis contraria fassos
Fecissent illos ora proterva reos:
Irrita pravorum nutu molimina reddit,
Splendida ter sanctus qui regit astra Deus;
Illius æternum durat veneranda potestas,
Sed veteratorum fraus male cæpta perit.
Jam tandem facio mentis requiescere morus
Ad bustum, Jesu Christe beatæ! tuum;
Quando te meditor gelido in recubasse sepulcro,
Fit mihi sarcophagi mentio grata mei:
Crimina portasti patiens mea, morte cruenta
Delebas eadem, nubila ut aura fugat;
Illa recondideras clauso tumulatus in antro,
Omnia lethæis merfa reguntur aquis:
Sic obsignatum scelus est, clausumque sepulcro,
Sic pia mens justo conciliata Deo:
Contra justitiæ referata est grandis abyssus,
Omni credenti quæ patet atque scater;

Mors tua, mi Jesu! sit mors affectibus illis;
 Corruptæ carnis, qui mihi sæpe nocent,
 Contegat atque tuum mea crimina triste sepulcrum,
 Vita resurgentis sit nova vita mihi.
 Ecce mei cordis cava faxca crypta parata est,
 Qvam dedit ornatam numinis aura tui:
 In promptu fidei sunt lintea, balsama præstet
 Mens contrita, tibi nardus odorifera:
 Sic in corde meo requiescas, optime Jesu!
 Inque tuo mihi sit pectore blanda quies:
 Spiramen sanctum nostri quæque intima cordis
 Muniat, hic ut sit mansio firma tibi.
*Gloria & omnis honor, sapientia, summa potestas,
 Maxima laus, virtus, eximiumque decus
 Sit tibi, cunctorum JESU Rex maxime regum!
 Terminet hæc nunquam terminus ullus;*

AMEN



E P I C E D I U M.

HALLGRIMUS fuerat nostras celebrimus unus .

Petræus , patriæ flosqve decusqve suæ ,

Ingenio præstans , paucis pierate secundus ,

Christo devotus pectore, voce, fide;

Iste poeta fuit vel Apolline iudice summus ,

Cui vix assimilem terra nivosa dabit;

Illi sic dederat florentem svada leporem,

Floret ut in pingvi Delia Laurus humo

Sic erat antiquis docte versatus in odis ,

Cum matre Evandri posset ut ipse loqui.

Ille mori potuit, nomen laudabile at ejus

Credibile est nullo tempore posse mori.



SOMNIUM PARABOLICUM. }

Sunt quibus & mendax phantasma, & inane putatur
 Quidquid in obscura spectatur imagine noctis:
 Plurima sunt, fateor, non omnia somnia vana,
 Exemplum fidei faciendæ adducitur ergo,
 Quod mihi contigerat quondam juvenilibus annis,
 Et referam paucis non immemorabile verbis.

Ut semel imposui tepido defessa labore
 Membra toro, vigili cura fugiente soporem,
 Ecce mihi videor montem conscendere in altum,
 Unde patens circum circa conspectus horizon,
 Qui mediâ spheram velut æquo limite gyros
 Dividit, ut notum est, & visum terminat omnem:
 Nox sublustris erat, siluit Tithonia conjux,
 Attamen immensus rutilo flagrabat olympus
 Lumine stellarum; sed inenarrabile quantum
 Lumine diverso, cæcæ plumbum distat ab auro:
 Stellæ aliæ nullos radios sparsere coruscas,
 Quædam sat claros; reliquas fulgore venusto
 Vixere innumeras binæ, o! pater orbis & ævi!
 Harum quis decor & quis splendor gratia quantal
 Hæc ne est Eous nonne illa est Cyathius ipse
 Dicebam; calida & quot nunc suspiria fudi,
 Vota quot emisî, tam læta videre liceret,
 Dum mea pulsaret vitalis pectora sanguis;




Et spes blanda satis, resoluta in gaudia mente
 Prælagire mihi visa est felicia quæque;
 Hæc vacuam tacite præsumpta susurrat in aurem:
 Quæ tibi conspectæ signa ut splendentia binæ,
 Atque super multas radiabant luminæ stellæ,
 Hæc tua sunt ambæ felicia sidera, dixit,
 Hæc tibi jucundæ comites, hæc sunt tua vitæ
 Intima dulcedo: nam si quæ forte doloris
 Obducat nimium rigidi vis turbida fati,
 Nubila dispellent, & lætis lætius addent,
 Hæc tibi splendebunt ad feram sidera mortem.

Sistite jam tandem, desistite mentis inanes
 Motus; heu quantum me fors malefida tefellit,
 Hæc spes fallaces fuerant, hæc gaudia cæca:
 O! fortuna fugax nimiumque volubilis, o! tu,
 Tristia quæ rebus solita es miscere secundis,
 Qvos mihi fecisti ludos! quæ verba dedisti!
 Momento stellæ tam faustæ & prorsus amænæ
 Evanescebant propere; vix altera septem
 Altera ter quinis saltem mihi visa minutis.
 Primo nigra nimis nubes obduxit utramque,
 Idque secuturæ cladis fuit ipsius omen:
 Pallebat posthæc facies lætissima, tanquam
 Herba solet brumæ glaciali frigore tacta,
 Aut flos quem morfu sædavit lubricus angvis,
 Aut quis prægelidas ducendus mortis ad aras;
 Deliquium tandem passæ lethaliter ambæ,
 Præcipiti cursu terram subiere rotundam.

Qvid facerem? gemitus, lessus, lamenta, querelæ,
 Nil mihi profuerant; sæpe ingeminare videbar,
 Hæc mihi! quando meos illimes gaudia sensus
 Jam reperent? mihi quando recens splendeat Apollo?
 Quo fugitis charæ? vos o! mea lumina quorsum
 Ibatis? vos o! mea deliciosa voluptas.


Conticui, modo vox allabitur auribus illa
 Blanda fatis, sed blanda magis, quod tum mihi visa est,
 Svavior humana, cælo demissa sereno;
 Jussit & hæc placide mæstos compescere luctus;
 Quid iuvat, inquit, enim pectus macerare dolore,
 Quid iuvat amissas lacrymis perquirere stellas?
 Nostin', quod duri sint ferrea vincula fati,
 Quodque hominum nulli licuit producere telam,
 Quam semel abruptis Parcarum mortifet ensis:
 Sunt sane hæc alio tua fulgida sidera missa,
 Non amissa tamen, non perditæ, condita saltem,
 Amplius haud equidem coelo cernuntur in illo,
 Sideribus variis vestrum quæ illuminat orbem,
 Non minus in coelo fulgent meliore, nec ullos
 Præterea raptæ lucis passura labores;
 Occidit ad tempus, sed non intercidit illud
 Sidus utrumque tuum, vivet post funera fama:
 Quod super est tibi sunt oritura hæc lumina tandem,
 Ortum quem posthac occasus nullus in ævum




Excipiet: quam læta dies, quam læta voluptas,
Quando securus damni conjungeris illis,
Atque simul dabitur celebres cantare triumphos.

Dixit, & ad verba hæc cæperunt ultima sensus
Evigilare mei, pulsa vertigine somni.







12/24.

12/24.

